

摘藻堂四庫全書薈要

子部

欽定四庫全書薈要

子部

御定淵鑑類函卷六十五

六

欽定四庫全書薈要卷一萬一千五百十三

子部

御定淵鑑類函卷六十五

設官部五

宰相

增大學士

宰相四

原

成

言天子垂拱仰之而成化

光輔

爾光輔予一人

保衡

伊尹也言天下所取

安也

翼戴

天子

彌綸

天地之道

寅亮

天地弼予一人

注意

漢陸賈曰

天下安注意相

具瞻

駸駸

言總大政

佐命

曠位

危而不持顛而不扶

則將焉用彼相

充位

張湯為大夫用事丞相充位而已

不案吏

酈吉為丞相令三公



府不案吏
遂為常

不移書

漢薛宣
詳通典

親小事

蜀志諸葛亮相
蜀自校簿書主

簿揚顯諫曰為政有體上下不
相侵明公不亦勞乎亮謝之

行故事

漢書魏相字
弱翁為丞相

好觀漢故事及便宜章奏以為古今異制方今
務在奉行故事而已數施行漢初名臣所奏

堯舜

其心

伊尹曰予不克俾厥后惟
堯舜其心愧恥若撻于市

父子相代

韋賢及子
玄成並為

相平當于平晏亦並為相
故漢代父子為相稱韋平

良臣惟聖

言此良臣
乃成聖德

國

政所圖

國政之
所圖也

鎮撫四夷

親附百姓

陳平曰外鎮
撫四夷諸侯

內親附

執柄而圖

實執人柄而圖
吾君以相予位

奪印而代

范雎
奪穰

侯印而代之穰侯魏
冉也並為秦相也

裁成天地

易裁成天地之道
輔相天地之宜

道佐人主 百揆時敘 五典克從 萬邦爲憲 庶

績成熙 立身于二八

八元 八凱

致君于三五

三皇 五帝

當

唐虞之聖 繼變龍之功 當堯舜之朝 居蕭曹之

任 當三五之朝 居二八之位 國在乎相

列女傳云齊孤

逐者齊即墨之女也狀甚醜三逐於鄉五逐於里齊相婦亡造襄王之門而求見王輟食而起與之語女曰夫屋堅不堅在乎柱國家安不安在乎相王曰吾國相若何對曰王之國相比目之魚也外比內比然後能成其事王曰何謂對曰明其左右賢其妻子是外比內比也王曰善遂尊其相以逐女妻之居三月四方之士多歸于齊而國

一處乎內

傳曰天子三公者何天子之相也天子之相何以三曰自陝以

東周公主之自陝以西召
公主之一相處乎內也

百揆時敘

舜典納于百揆百揆時敘

四方享德

尚書洛誥曰公勿替刑四方其世享孔安國傳云勿替以廢法則四方世享公之德也

謹按公謂

以尹天下

左傳曰昔武王克商成王選建明德以藩屏周周公相王室以

尹天

以治天下

鬻子云禹之治天下也得皋陶得杜子業得既子得施子黯得季子寧得

然子

堪得輕子玉得七大夫以治天下而天下治湯得

慶誦伊尹湟里且東門虛南門蟬西門疵北門側得七

大夫佐以治天

夾輔王室

帝王世紀周平王元年鄭武公與晉文侯股肱周室

下而天下治

夾輔平王率諸侯戮

毗輔王室

帝王世紀周平王景薦劉銓文云明公允

力一心東遷洛邑也

侔阿衡毗輔王室亮采側微日

保乂王家

尚書康誥篇

夕不暇網羅隱逸英彥盈庭也

保茲天子

毛詩蒸民篇

天子是毗

毛詩南山篇

王躬是保

毛詩

蒸民篇

左右商王

毛詩長發篇

股肱周室

左傳云天王使劉定公錫齊侯

命曰昔伯舅太公右我先王股肱周室師保萬民王室之不壞繫伯舅是賴今予命汝環茲率舅氏之典敬之

哉環齊

格于皇天

尚書君奭篇

格于上下

堯典

德光

上下

尚書洛誥篇

威服諸侯

淮南子云景陽淫酒被髮而御于婦人威服諸侯注曰景

陽楚相也

友五人

尸子曰舜得友五人曰雄陶續耳柏陽東不識秦不空一國之賢人也

友陪貳

左傳趙簡子問於史墨曰季氏出其君而民服何也對曰物生有兩有三有五有陪貳故天有三辰地有五行體有左右各有配耦王有公諸侯有卿皆其貳也天生季氏以貳魯侯民之服焉不亦宜乎

王者佐

呂氏春秋云武王至殷郊係墮五人御于前莫為係之曰吾所以事君者非係也武王左

釋白羽右釋黃鉞勉而自為係孔子聞之曰此五人者之所以為王者佐也不肖主之所弗安也

社

稷器

蜀志蔣琬傳云諸葛稱社稷之器非百里之才

若金作礪

尚書說命篇曰說藥于傳

巖之野爰立作相王置諸其左右命之曰朝夕納誨以輔台德若金用汝作礪若濟巨川用汝作舟楫若歲大早用汝作霖雨

猶鴻有翼

管子曰桓公在位管仲隰朋見立有間有二鴻飛過桓公曰寡人之

有仲父猶鴻之

桃李莫援

呂氏春秋云子產相鄭十有八年刑三人殺二人桃李

有羽翼者也

之垂于街者

池淵不稅

說苑云公儀休相魯魯君死左右請閉門公儀休曰止池

莫之援也

淵吾不稅蒙山吾不賦苛令吾不布吾已閉心矣何閉於門哉

富國安主

太公金匱云宰相不

富國安主調陰陽和羣

匡主濟民

蜀志下邳陳登謂先主曰今欲為使

臣樂萬民非吾宰相也

君合步騎十萬上可以匡主濟民成五

伯之業下可以割地守境書功於竹帛

正事之臣

尚書

酒誥篇曰王若曰爾乃克羞饋祀爾

羽翼之佐

謝承後漢

乃自介用逸茲乃允惟王正事之臣

書云非腹背之毛

弼亮四世

尚書畢命篇

光輔五君

左傳

羽翼之佐者也

子木問於趙孟曰范武子之德何如對曰夫子之家事

治言于晉國無隱情其祝史陳信于鬼神無愧辭子木

歸以語于王王曰尚矣哉能敬神

聞風便委國

孔叢子云

人宜其光輔五君以為盟主也

魏王遣使者聘子順為相曰魏國狹小乏于聖賢寡君

久聞下風願委國先生親受教訓如肯降節宣惟魏國

君臣是賴其亦社稷之神祇實永受慶于是乃之魏魏

王郊迎謂子順曰寡人不肖嗣先君之業先生聖人之

後道德懿劭幸見顧臨願圖國政對曰臣羈旅之臣慕君高義是以戾此君辱賜而問以政事敢不敬受君之明令按子順孔姓名斌子高之子

跪行授以相

說苑云楊因見趙簡主曰臣居鄉三逐事

君五去聞君好士故走來見也趙簡主聞之絕食而歎跪而行左右進諫曰居鄉三逐是不容衆也事君五去是不忠上也今君有士見過八矣簡主曰子不知也夫美女者醜婦之仇也盛德之士亂世所疏也正直之行邪枉所憎也遂出見之因授以為相而國大治由是觀之遠近之人是不可不察也

相三君而

無私積

左傳云季文子之忠于公室也相三君矣而無私積

三相楚而心愈卑

詳前宰相三心卑體恭注

一則仲父易哉為君

呂氏春秋云有司請事于齊桓公桓

公曰以告仲父有司又請公曰告仲父若是者三贊者曰一則仲父二則仲父易哉為君桓公曰吾未得仲父

則難已得仲父之
後曷為其不易也

欽則已施民皆歸焉

列子田氏相齊盈則已降

云
結百姓法四方

國語云齊桓公使鮑叔為宰辭曰臣之不若夷吾者五寬惠柔民弗

若也治國家不失其柄弗若也忠信可結于百姓弗若也制禮義可法於四方弗若也執枹鼓立于軍門使百姓加勇焉
安國家全社稷

說苑云梁相死惠子欲之梁渡河而遽隋水中船人

救之船人曰子欲何之而遽也曰梁無相吾欲往相之船人曰子居船楫之間而溺無我則子死矣子何能相梁乎惠子曰子居艘楫之間則吾不如子至安國家全社稷子比我蒙蒙如未視之狗耳
鎮國家

撫百姓

史記高帝紀云鎮國家撫百姓餉饋不絕吾不如蕭何

民無謗讟天無

大災

左傳初午謂文子曰子相晉國以為盟主于今七年矣再合諸侯三合大夫服齊狄寧東夏平秦亂

城淳于師徒不頓國家不罷民無謗讟諸侯無怨天
無大災子之力也有令名矣而終之以恥午也是懼

國無盜賊道不拾遺

韓子云子產相鄭為政五年國無盜賊道不拾遺桃李蔭于街者莫

有援也錐刀遺道三日可

酒肉不徹鐘鼓不解

尸子云周

反三年不變民無飢也

公酒肉不徹于前鐘鼓不解
于懸聽樂而治國無勞事焉

勞不坐乘暑不張蓋

史記

趙良說商君曰
五穀大夫云云

無衣帛之妾無食粟之馬

魯語季文子相宣成

然也
茹羹拔葵見布逐婦

史記公儀休為魯相茹羹而美拔其園葵而棄之見布而

逐其婦也

一夫不得所引為已罪

尚書說命篇

天下不得所

若已推之

鹽鐵論云禹稷布衣之士思天下不得其所若已推之

武丁時有甘

盤

尚書君
奭篇

太戊時有伊陟

同上

管仲相桓公九合諸

侯一匡天下

論語憲
問篇

五穀相秦繆三置晉君一救荆

禍

史記商君傳趙
良說商君云

仲尼相魯敵國之憂

晏子春秋云
仲尼相魯景

公患之謂晏子曰鄰國有聖人敵國之憂也今孔子相魯若何對曰君不如陰重孔子說以相齊孔子強諫而

不聽必去去魯而之齊君勿納也居期年孔

子產相

子去魯之齊景公不納故困於陳蔡之間

鄭無諸侯患

說苑云子產相鄭終簡公之身內
無國中之亂外無諸侯之患也

顓頊

十五佐黃帝

鬻子云昔者顓頊年十五而佐黃帝二十
而治天下其治天下也上緣黃帝之道而

行之學黃帝
之道而常之

帝嚳十五佐顓頊

又云昔者帝嚳年十
五而佐帝顓頊三十

而治天下其治天下也上緣黃帝之道而明之學帝顓頊之道而行之

荊公子十五相

荊說苑云荊公子年十五而相荊仲尼聞之使人往視還曰廊下有二十五俊士堂上有二十五老人仲尼

曰合二十五人之智智于湯武并二十五年之力力於彭祖以治天下其固免矣乎

甘羅年十

二相秦

史記甘茂傳云甘羅十二事秦相文信侯呂不韋後秦爵為上卿復以茂田宅賜之

伊

尹放太甲

孟子曰太甲顛覆湯之典刑伊尹放之于桐三年太甲悔過以聽伊尹之訓復歸于亳

周公抱少主

呂氏春秋云文王造之而未遂武王遂之而未成周公旦抱少主而成之故曰

成復子明辟

尚書洛誥篇

致政成王

禮記明堂篇曰周公致政成王成王

以周公有勤勞于天下封周公于曲阜地方七百里

增金甌覆名

通鑑唐玄宗每命相皆先

御書其名一日書崔琳等名置案上上覆以金甌會太子侍舉金甌覆名告之曰此宰相名也若意之其誰耶太子曰非崔琳盧從願乎上曰然時兩人有宰相之望故也

金筋表直

開元遺事宋璟為相

朝野人心皆歸美焉一日春宴上以所用金筋令內臣賜璟曰非賜卿金表卿直也

雅士趨門

唐大厯中楊綰為相德望日崇天下雅正之士爭趨其門

微官抗禮

宰相自唐以來謂之禮絕

百寮富文忠公弼為相雖微官布衣皆與抗禮引坐與語自是羣臣效之折節自公始云

宣威馳

譽

唐閻立本總章元年拜右相但以俗材應務初無宰相器太宗與侍臣泛舟春苑池見異鳥容與波上悅

之詔坐者賦詩而召立本侔狀閣外傳呼畫師立本時已為主爵郎中歸戒其子曰吾少讀書今獨以畫見名與廝役等若曹慎無習時姜恪以戰功擢左相故時人有左相宣威沙漠右相馳譽丹青之朝

讓直

濟文

唐房杜贊太宗定禍亂而房杜不言功王魏善諫而房杜讓其直英衛善兵而房杜濟以文

應變守文

唐姚宋贊姚崇善應變以成天下之務宋璟善守文以持天下之正天所以佐唐使中興

也

善謀能斷

宋真景元曰漢之名相前稱蕭曹者以規隨之相繼也後稱魏邴者以寬嚴之

相濟也唐之賢相前稱房杜者以善謀能斷之相成也後稱姚宋者以應變守文之相資也

名教

宗主

五代趙光逢為平章事有女真寄黃金一鎰于其室後經亂離女真委化他土後二十年金無所歸

光逢納于河南尹張全義付諸宮觀其舊封尚在光逢兩登廊廟四退丘園百行五常不欺暗室縉紳咸仰以

為名教

朝廷羽儀

唐李揆同平章事帝曰卿門第人物文章皆當世第一信朝廷之羽

宗主

儀

十事要君

唐玄宗以同州刺史姚元之為兵部尚書同中書門下三品元之知帝大度銳

于為治乃先設十事要說以堅帝意帝皆納之

三事問客

宋李昉為相每見客必問三事民間

有何疾苦為政有何術業時政有何缺失按昉字明遠三人翰林兩入中書謚文正公

公門桃

李狄仁傑嘗薦張柬之為相入嘗薦姚崇桓彥範敬暉等數十人卒為名臣或謂仁傑曰天下桃李悉在公

門矣仁傑曰薦賢

省門絲竹

唐尚書省南門有古槐垂蔭至廣相傳夜聞絲

為國非為私也

竹之音省中即有入相者俗謂之音聲木又相國李石河中永樂有宅庭槐一本抽三枝直至堂舍屋脊一技不及相國同堂兄弟三人曰石曰程

進言賜酒

唐李

皆登宰執惟福一人歷七鎮使相

李吉甫盛贊天子之德憲宗欣然李絳曰今日西戎內

訌烽燧相接誠陛下焦心求濟之時詎便高枕而卧哉

帝入謂左右曰絳言骨鯁真

入見賜茶

長編先是宰相入見天子

宰相也遣使者賜醪酒

必命坐賜茶有大政則面議之范質等自以前朝舊臣稍存形迹每事輒具劄子進呈退即批所得聖旨而同列書字以志之自是奏御寢多或至日昃命坐賜茶之禮亦廢

夢授二筆

太平廣記
五代唐末

帝時馬裔孫赴闕宿邈府其地有神祠夜夢神手授二筆及為翰林學士裔孫以為契夢筆之兆洎入中書上事堂吏奉二筆

夢賜半臂

宣室志貞元中相國賈參為御史中丞嘗一夕夢德

宗召對於便殿以錦半臂賜之默念曰臂者庇也大邑所以庇吾身也今夢半臂者豈以某叨居顯位將給半祿俾我致政乎客有解曰半臂者被股肱之衣也今公夢天子賜之豈非上將以股肱之位而委公乎明日果拜中書侍郎平章事

閱表得名

宋璟罷帝欲用張嘉貞而忘其名夜召韋抗曰朕嘗記其風操

今為北方大將張姓而複名即為朕思之因觀文臣奏表一閱而得其名即以為中書侍郎同平章事

上簿注名

唐昭宗時鄭縈好詼諧多為歇後詩譏嘲時事中人有所誦于帝前者上意其有蘊未盡因

有司上班簿遂手注其側曰可禮部侍郎同中書門下平章事既而賀客至縈搔首言曰歇後鄭五作宰相時事可知矣累讓

名震四夷

裴度太和四年詔進司徒平章軍國重事三五日一

不獲乃視事入中書度狀貌不踰中人而神觀爽邁操守堅正名震四夷用不用常為天下輕重

節兼兩鎮

宋王安石上韓魏公書寵辭上宰榮歸

不私故人

唐

故鄉兼兩鎮之節旄備三公之典策

不負天子

唐陸贄為相所言皆執帝短或規其

均曰君才不稱此官

不吝通族

唐令狐綯入相自以姓氏少人有投者不

太過對曰吾上不負天子下不負所學

吝通族由是遠近爭趨之至有姓胡冒令者溫庭筠戲為詞曰自從元老登庸後天下諸胡悉帶令

未

嘗市恩

范忠宣公純仁在相位所薦士未嘗知出于公公亦未嘗市恩意于人或謂公曰身為宰相豈

可不牢籠天下士使知出於門下公曰但願朝廷進用不失正人何必使知出我門下也

衣鉢相

傳

五代和凝平生以宰輔自期登第之歲名在十三及知貢舉覽范魯公質文卷知非常人也至放榜亦以

第十三人登第謂曰君文宜冠多士屈居十三欲君傳老夫衣鉢耳後凝既登庸不十年質亦大拜時有獻詩者曰從此廟堂添故事登庸衣鉢亦相傳

門閥不墜

宋李昉子宗諤字昌武景德中為翰林學

士至右諫議大夫卒真宗悼之謂宰相曰國朝將相能以聲名自立不墜門閥者惟李昉曹彬家耳

和

顏溫語

宋李昉為相有求差遣者見其材可取必正色拒之已而擢用或不足收用者必和顏溫語以

待之子弟問其故公曰用賢人主之事我若受其請是市私恩也故峻絕之若其不用者既失其望又無善辭

此取怨之道也

嘉謀偉望

宋范魯公質嘉謀偉望時稱名相嘗謂同列曰人能鼻吸三斗醋即

可為宰相矣

不為驕侈

王旦為相以儉約率子弟使不為驕侈兄子睦欲舉進士旦曰吾常

以太盛為懼其可與寒士爭進取

不傲寵澤

言行錄呂蒙正三人中書未嘗以姻戚傲寵澤

得宰相體

言行錄宋韓魏公琦為相曾公亮為亞相趙康靖公歐陽公為參政凡事關政令則

曰問集賢談典故則曰問東廳談文學則曰問西廳至于大事則自決之人以為得宰相體

真宰

相言

宋薛簡肅公奎天禧中為江西發運使辭王文正公旦公無他語旦云東南民力竭矣薛退而謂人

曰真宰相言也

可方安世

長編宋元豐二年神宗嘗謂輔臣曰曾公亮謹審周密中外無間受

遺輔政有始有卒可方漢張安世

遠過周公

言行錄韓魏公既解相印王丞相遺公書謂過

周勃霍光姚崇宋璟歐陽公易曰進退之際從容有餘德業兩全謗讒自止過周公遠矣

遼使却

立文彦博立朝端重顧盼有威遼使耶律永昌來聘見潞公于殿門外却立改容曰此潞公耶所謂以德服

人者問其年曰何壯也蘇軾曰使者見其容未聞其語其綜理庶務酬酢事物雖精練少年有不及貫穿古今洽聞強記雖專門名家有不及也遼使者拱手曰天下異人也遼使問安宋富弼早有逮使者拱手曰天下異人也遼使問安公輔之望天下皆稱曰富公名聞夷狄遼使每至必問其出處安否

宰相五

原歲晉陸機丞相箴曰夫導民在簡為政以仁仁實生愛簡則易遵網疏下睦禁密巧繁深文碎教伊何能存

故人不可以不審任不可以不忠捨賢昵讒則喪爾邦
且偏見則昧專聽悔疑耳目之用亦各有期夫豈不察
而帷牆隔之矜已任智是蔽是欺德無遠而不復惡何
適而不追存亡日鑒成敗代陳人咸知鏡其貌而莫能
照其身

原碑晉袁宏丞相桓溫碑銘曰文武開基尚父定王佐
之契宗周不競桓公弘九伐之勲脫履於必濟之功忘
懷於屈伸之會高氏出乎生民公亮坦於萬物遂復改

謀迴慮策馬武關總轡丹旂之塗揚鞭終南之嶺兵交
則戰無全敵勸義則襁負雲集從以懸軍輕進因蓄靡
儲而豺狼懼殪保固窟穴乃方軌迴轅反師凱入雖奇
功大勲未捷於一朝而宏模神略義高於天下公惟秀
傑英特竒姿表于弱冠俊神朗鑒明統備于成德巾褐
衡門風流推其高致忘已應務天下謝其勲業輔相兩
朝而通運之功必周虛中容長而方圓之才咸得道濟
而不有處泰而逾約可謂固天將縱生民之傑者也銘

曰美盡黃裳道暢伊呂哲人應運命世作輔卓卓英風
略略宏宇亮心高列俊神間舉忘已濟物撫化翼世河
洛澄流華梁卷翳俾我仁公弘道作鏡如何不弔雲巒
落映 晉孫綽丞相王導碑文曰公胄興姬文氏由王
喬元聖陶化以啓源靈仙延祉以分流賢俊相承世冠
海岱二儀交泰妙氣發暉醇曜所鍾公實應之元性合
乎道旨冲一體之自然柔暢協乎春風溫煥侔于冬日
信人倫之冰鏡道德之標準也惠懷之際運在大過皇

德不建神轡再絕獫狁孔熾凶類焱起公見機而作超
然玄悟遂扶翼蕃王宣協東岳弘大順以一羣后之望
仗王道以應天人之會於時乾維肇振創制理物中宗
拱已雅仗賢相尚父之任具瞻在公存烹鮮之義殉易
簡之政大略宏規卓然可述公雅好談詠恂然善誘雖
管綜時務一日萬機夷心以延白屋之士虛已以招巖
穴之俊逍遙放意不峻儀軌公執國之鈞三十餘載時
難世故備經之矣夷險理亂常保元吉匪躬而身全遺

功而勲舉非夫領鑒元達百鍊不渝孰能莫忤于世而
動與理會者哉 梁簡文帝長沙宣武王北涼州廟碑

文曰黃曲之祀九井尚慙洙水之堂七壁猶在豈非德
含體氣神降空桑蒸民仰其立功太上懷其貴德公諱
某蘭陵人皇帝之長兄也命世降靈峻極開著宗百川
而成海倍萬俊而為英為南梁北秦二州刺史陽陵黑
水改號難堪加以岳牧遷迴軍民徙散同高闕以為塞
象玉門而置關三尉寢謀六屯罷業功同疎勒之守備

甚卽墨之堅圍公臨危制變殷如敵國是以六角摧鋒
兩賢釁鼓指撝則破勅敵叱咤而靜邊塵公德應大賢
照惟殆庶如鐘資叩似鐸發聲含朝陽于千仞散風行
于萬頃神武所向士卒忘水火之難簞醪所驅小大一
死生之志微管之風餘芳無絕人畏其神德音不泯梁
秦二州刺史宜封侯條刺舉漢陽親覩遺愛有表請立
碑置廟天子許焉反宇飛風伏檻含日參差丹桂周流
紫房躑踞刺獸下臨網戶齒蓄荷花傍連屈屋庶使邊

韶所立之石豈稱高于陳郡表逢所勒之字非獨擅于
華陽乃為贊曰帝圖開道皇源配天功書綠字事燭青
編天漢之陽黑水惟梁如仁永播流詠寧忘扶風高碣
名伯甘棠餘芳無泯望古可方構斯象室循茲洞房琉
璃照戶璧玉開堂秋條下葉春卉含芳九微夜火百味
朝漿 又丞相長沙宣武王碑銘曰金表龍符綠地龜
圖且稱瑞漢實曰開虞於昭帝緒蟬聯厥初有微元水
亦作司徒重檐偃蹇曲注逶迤重攄鳳翥桂棟蓮披文

檀晚麗采節晨輝春藤絡戶寒菊臨池惟馨惟德無絕
于斯 梁沈約齊丞相豫章文憲王碑曰世載冠冕之
暉家開配天之業洪源邁於委水雲峰冠於削成公自
天攸縱非待河岳道亞生知德備藏往靡赤霄而理翰
望閭闔而上馳迴風颭于襟袖宅山川于懷抱爰初弱
冠藏器俟時康莊廣闢飾禮賢之館杞梓備收罄滋蘭
之畹既駕朱轡又敷袞職升降軒陛率由孝敬謙以備
物貴以在身再握勵已三吐忘倦公德惟民望位冠朝

首儀表瑰雄風神秀傑每至三元首旦華裔在庭執玉
端闈冠冕百辟外夷震聳猶單于之懼王商羣后瞻慕
若衆星之俯日月雖復以周公之親居周公之任道格
皇天光被四海而小善靡失輔德必從譬由畎澮匪讓
所以森致江河土壤同歸故能鬱成嵩岱保翼三善弘
正九伐銘彼太常懸諸日月銘曰大德風邁其美雲從
事貴愈賤禮峻彌恭且有厚命車服以庸羽儀列辟冠
冕羣龍周實多祜漢有餘慶奕奕皇族於斯為盛公之

綏之終和且敬是惟宗國庶邦作詠 梁任昉丞相長

沙宣武王碑曰玉映藍田金鉉之望已集木秀鄧林輪

轅之用先表值戎寇貪憚羈縻失道憑凌雉堞逼迫濠

湟都護之威既弛副尉之策已謝斧松晨析易子朝餐

乞師援絕飛書路阻公內定不戰之奇外騁必勝之略

神功倏忽有同拾遺南下牧馬既寢折膠之術北遯燕

然將空漠南之地加以廣平簡惠信賞必罰增貲就賦

夷歌成章 增唐張說梁國公姚崇神道碑銘曰源深

自虞派別從吳辟地魯陝居家洛都神明遠契岳瀆冥
符翊聖斯偶生賢不孤仁將勇濟孝與忠俱學办攢植
文鋒迅驅纔安卑位即騁長途惟實惟有若虛若無再
三軍國一二訐謨戎柄尤重王綸最樞兼司任切久政
榮殊黼藻彌煥丹青靡渝以寬容物以鑒分區外或形
放中恒禮拘箴雖誠口諍亦忘軀但覩渾璞誰詳瑾瑜
伊咎尺寸管樂錨銖名遂身正言誠願孚方辭漢祿更
辱齊組既積而散窮歡盡娛川歸東極日去西晡上惻

旒宸旁悲路衢藍田美玉荔浦明珠載廣休慶爰弘典
謨豐碑乃立盛業其鋪帝念頻軫仙毫特紆鐫金刻石
鳳篆龍圖七耀光動三泉澤濡銓能敘事理鬱詞敷求
舊銘實慙殫思蕪緬思雲霧尚想江湖有道之德其何
以踰延陵之墓空此嗚呼存歿終始遐哉邈乎 元載
故相國杜鴻漸神道碑銘曰陽驕必折陰勝亦邪剛柔
雜居賢聖之家堂堂衛公含和用中為保自易當難不
逢首陽誠拙柱下非工鋪糟末位致命危邦自西徂東

足趺頭蓬簡稽衣食賦政理戎經營指揮雲合風從定
計翊帝革暴鋤凶退殊獨潔進不爭功出征入輔計文
經武洗蕩三蜀雍容兩府神邁形局思深志遠封禪留
草東山不歸台光折耀白晝徂輝依仁孔夙履信不暮
自天之祐宜無悔怒天之荐瘡時丁耗斁如魚思涉若
廢網罟或歲大旱孰為霖雨生公則惠喪公何苦形有
必行死無不之誰存封域誰制喪期平舉漫澶野蔓離
披延陵已達弋者何知

原諫晉陸機吳丞相江陵侯陸公諫曰根條伊何苗黃

裔舜長發有祥貽我祚胤劉王負險寇我西隣公侯赫

怒干戈啓陳金鉞鏡日雲旗絳天元王隕難鯨鯢墜鱗

戎漠時殪方域清塵又成公綏魏相國舞陽宣文侯

司馬公諫曰應期降命篤生我公九德聿修百行兼通

文皇踐位龍飛天衢協贊大命啓迪靈符光我聖主齊

德有虞受茲介祉封國建畿入總納言敷化衡機出登

上將奪武明威皇輿省方作鎮于許旌旗既反撫戎荆

楚巴蜀作寇侵我邊疆乃眷西顧董統雍涼丹麾所指
莫之敢抗仁濟宇內威攝外荒流惠零雨齊美甘棠加
命九錫尊位相國比王齊魯以崇殿禮

增制宋蘇軾賜宰相呂公著乞退不允制曰用賢之功
必要之久遠日計不足歲計有餘朕之用卿期于百姓
之既富卿之自信亦豈一日而成功常賜之災天以警
朕夙夜祇懼與卿同之朕若歸過於股肱何以答天戒
卿若釋政而安逸何以塞民言各思其憂少安厥位

元閻復丞相阿米贈謚制曰邊外開邊四達弗庭之域
將門出將三持分閫之權緬思百戰之勞宜用九原之
賁故光祿大夫中書左丞相兼都元帥贈開府儀同三
司太尉追封并國公謚武宣阿米英才間世勇略邁倫
當先皇大理之征佐迺雲南之役靖蠻荒而平交趾
拔襄漢而下江南鳶瘴揮戈萬理若衽席之上龍驤飛
渡三吳歸掌握之中贊成混一之圖式副元勲之號按
禮寺易名之典加王章異等之恩於戲青史屢書諒騰

芳之有永黃河如帶尚流慶于無窮可加贈推誠宣力
保大功臣太尉開府儀同三司上柱國追封河南郡王
謚武定

增論唐李德裕近代良相論曰客謂余曰揚子法言有
重黎顏鵷二篇品藻漢之將相敢問近代將相可得聞
乎余曰唯唯夫股肱與君同體四海之所具瞻恩義至
重實先于愛敬非社稷大計不可以強諫亦猶父有諍
子不獲已而諍豈可以為常也唯宜將明獻替致其主

於三代之隆孝經曰天子有諍臣七人非宰相之職也
必求端士正人以當言責導其謬諤救其患難而已雖
聖人之言危而不持顛而不扶則將焉用彼相此亦將
明獻替之謂也使其君昭明令德不致於顛危也漢之
良相十數人矣公孫弘開陳其端而不肯庭辨固未可
也蕭望之剛不護闕王嘉許而犯上致元哀二后有信
邪讒之患戮忠直之名此其失者也魏相薛廣德持重
守正弼諧盡忠可謂得宰相體矣近世貞以制動思在

無邪松柏所以後凋藜藿由其不採貴不患失言必匪躬似薛廣德者鄭丞相陳丞相有之矣麟之為瑞也仁而不觸玉之為寶也廉而不剝恕以及物善不近名高朗令終天下無怨似丙博陽者王丞相鄭丞相有之矣好古洽聞應變睿敏幾可以成務而智足以取捨仁愛樂道勤瘁奉公逢時得君不失其政似倪寬者韋丞相李丞相有之矣用於艱危以盡天涯雖劍光不沈而鸞翮長鍛靈均之九死無悔柳惠之三黜非辜既歿不瞑

號于上帝似蕭望之者所謂李丞相矣余亦同病莫保
其生知我者以為忠亦已鮮矣庶乎數世之後朋黨稍
息以俟知音耳

增記唐李華政事堂記曰政事堂者自武德以來已常
於門下省議事即以議事之所謂之政事堂故長孫無
忌起復授司空房玄齡起復授左僕射魏徵授太子太
師皆知門下省事至高宗光宅元年裴炎自侍中除中
書令執宰相筆乃遷政事堂于中書省記曰政事堂者

君不可以枉道于天反道于地覆道于社稷無道于黎
元此堂得以議之臣之不可悖道于君逆道于人黷道
于貨亂道于刑尅一方之命變王者之制此堂得以易
之兵不可以擅興權不可以擅與貨不可以擅畜王澤
不可以擅奪君恩不可以擅間私讐不可以擅報公爵
不可以擅私此堂得以誅之事不可以輕入重罪不可
以生入死法不可以剥害於人財不可以擅加於賦情
不可以委之於倖亂不可以啓之於萌伐紊不賞爵紊

不封聞荒不救見饑不驚逆諫自賢違道傷古此堂得
以殺之故曰廟堂之上樽俎之前有兵有刑有挺有刃
有斧鉞有酖毒有夷族有破家登斯堂者得以行之故
伊尹放太甲之不嗣周公逐管蔡之不義霍光去昌邑
之亂梁公正廬陵之位自君弱臣強之後宰相主生殺
之柄天子掩九重之耳變理化為權衡論道變成機務
傾身禍敗不可勝數列國有傳青史有名可以為終身
之誠無罪記者 宋王禹偁待漏院記曰天道不言而

品物亨歲功成者何謂也四時之吏五行之佐宣其氣
矣聖人不言而百姓親萬邦寧者何謂也三公論道六
卿分職張其教矣是知君逸于上臣勞于下法乎天也
古之善相天下者自咎夔至房魏可數也是不獨有其
德亦皆務於勤耳况夙興夜寐以事一人卿大夫猶然
况宰相乎朝廷自國初因舊制設宰相待漏院於丹鳳
門之右示勤政也至若北闕向曙東方未明相君啓行
煌煌火城相君至止噦噦鸞聲金門未闢玉漏猶滴撒

蓋下車於焉以息待漏之際相君其有思乎其或兆民
未安思所以泰之四夷未附思所以來之兵革未息何
以弭之田疇多蕪何以闢之賢人在野我將進之佞臣
立朝我將斥之六氣不和災眚荐至願避位以禳之五
刑未措欺詐日生請修德以釐之憂心忡忡待旦而入
九門既啓四聰甚邇相君言焉時君納焉皇風於是乎
清夷蒼生以之而富庶若然則總百官食萬錢非幸也
宜也其或私讐未復思所逐之舊恩未報思所榮之子

女王帛何以致之車馬器玩何以取之奸人附勢我將
陟之直士抗言我將黜之三時告災上有憂色搆巧詞
以悅之羣吏弄法君聞怨言進諂容以媚之私心怛怛
假寐而坐九門既開重瞳屢回相君言焉時君惑焉政
柄於是乎隋哉帝位以之而危矣若然則死下獄投遠
方非不幸也亦宜也是知一國之政萬人之命懸於宰
相可不慎歟復有無毀無譽旅進旅退竊位而苟祿備
貲而全身者亦無所取也

增傳唐柳宗元梓人傳曰吾聞勞心者役人勞力者役
于人彼其勞心者歟能者用而智者謀彼其智者歟是
足為佐天子相天下法矣物莫近乎此也彼為天下者
本於人其執役者為徒隸為鄉師里胥其上為下士又
其上為中士為上士又其上為大夫為卿為公離而為
六職判而為百役外薄四海有方伯連率郡有守邑有
宰皆有佐政其下有胥吏又其下皆有嗇夫版尹以就
役焉猶衆工之各有執役以食力也彼佐天子相天下

者舉而加焉指而使焉條其綱紀而盈縮焉齊其法制而整頓焉猶梓人之有規矩繩墨以定制也擇天下之士使稱其職居天下之人使安其業視都知野視野知國視國知天下其遠邇細大可手據其圖而究焉猶梓人畫宮於堵而績於成也能者進而由之使無所德不能者退而休之亦莫敢愠不銜能不矜名不親小勞不侵衆官日與天下之英材討論其大經猶梓人之善運衆工而不伐藝也夫然後相道得而萬國理矣

大學士一

增魏文帝始置崇文觀以王肅為祭酒其後無聞唐貞觀中置崇賢館有學士直學士負掌經籍圖書教授諸王學士之名始於此至宋皇祐元年詔特置觀文殿學士寵待舊相今後須是曾任宰相乃得除授時賈昌朝由使相除右僕射觀文殿大學士判尚書都省大學士之名自此始 宋會要宋朝官制有殿學士閣學士雜學士又有待制殿撰修撰直閣殿學之名有觀文有資

政有端明資望極峻無吏守無典掌惟出入侍從備顧問觀文殿大學士惟曾任宰相者乃得除觀文殿學士以寵輔臣之去位者資政殿大學士亦寵輔臣之去位者端明殿學士惟學士之久次者始除後拜僉樞者多領焉閣學士雜學士庶官之外別加職名所以勵行義文學之士專以備顧問其次與議論典校讐得之為榮選擇尤謹 明太祖即吳王位建百官置中書省遂以李善長為中書省右相國徐達為左相國洪武戊申改

中書省左右相國為左右丞相以李善長為中書左丞相兼少師徐達為右丞相統六部事庚戌召山西參政楊憲為右丞陝西參政汪廣洋為左丞憲尋被誅辛亥春正月太師右丞相李善長致仕以左丞汪廣洋為左丞相參知政事胡惟庸為右丞相己未十二月汪廣洋謫海南至太平暴卒庚申胡惟庸伏誅遂罷丞相不復設而析中書省為六尚書歸其權于六部時監察御史許士廉請復三公府不聽然藍玉以涼國公常領太傅

當是時翰林春坊官看詳諸司啓奏署翰林院兼平駁
諸司文章事某官某雖設殿閣大學士如宋訥吳伯宗
皆侍左右以備顧問不得平章國事壬戌冬十一月戊
午倣宋制置殿閣學士以禮部尚書劉仲質為華蓋殿
大學士翰林院學士宋訥為文淵閣大學士檢討吳伯
宗為武英殿大學士時未有內閣掌機務者至成祖靖
難後始即文淵閣召侍講等七人日入直左右已益親
重上所與謀羣臣甚祕稍遷至大學士歲時賚予同尚

書矣仁宣朝用太子經師恩累加至三孤益尊而宣宗
右文過殺內柄無大小悉下大學士楊士奇等取報行
而吏部蹇義戶部夏原吉以不時召得迭入省可六尚
書事與士奇均而大學士陳山等或鮮所關預豈非無
專職由上輕重裁耶論道之體創尊仁宣迨及景憲大
權始集今視之赫然真相矣 天順中大學士李賢建
議請專選進士科充翰林院官遂為制自後非進士起
家不得居翰林為孤卿非翰林出身不得入內閣居宥

密內閣臣不由甲第者楊士奇以薦辟胡儼陳山張瑛以鄉舉其初不由翰林者黃淮以中書舍人楊士奇以審理正胡儼以桐城知縣金幼孜以給事中俞綱以審理正王文薛瑄俱以御史李賢以吏部主事劉宇曹元俱以知縣袁宗舉以長史張孚敬以刑部主事桂萼以知縣方獻夫以禮部主事夏言以行人此外無不由翰林入閣者 憲章類編曰洪武中懲胡惟庸之專權生亂遂罷丞相而分任六卿立定祖訓嚴為禁革俾永

不得設丞相貽謀垂慮至深遠也內閣置大學士以備
顧問官僅五品不預政柄而遷轉屬于吏部各相鈐制
其防尤密自三楊入閣乃以少師尚書兼大學士官尊
於六卿而口啣天憲自是無丞相之名而有丞相之實
矣故中外皆稱之曰宰相云 霍韜曰考之漢朝凡為
賢相皆由郡守考之宋制凡為宰相須歷州郡蓋取其
知閭閻之困苦與人情之練達也我朝若薛瑄入閣則
由御史李賢入閣則由主事皆為一時名臣今大學士

楊一清亦由巡撫而轉吏部已選入閣矣是誠立賢無方善能變通者也宜裁為定制永世遵行

大學士二

增名山藏曰楊士奇為人秉謙執虛薄利篤義歷事四朝四十餘年論事持大體不苛細薦進人才博詢廣訪先德後能無所私庇有大政大疑衆論紛紜徐出一言莫不快愜 楊榮歷事四朝善承人主意旨靜而正之與楊士奇楊溥協恭輔政天下稱為三楊 楊溥立朝

四十餘年恭慎謹畏雖御史卒亦不敢慢每議事決疑
舍已從人略無吝躁天下稱曰南楊 名臣記曰薛瑄
河津人天順中以禮部侍郎兼翰林學士入內閣時曹
石專用事遂引疾去四方從學者日衆學貴踐履不務
論說辭受取與必揆諸義出處大節光明皎潔于富貴
利達泊如也 李賢鄧州人為大學士事英宗憲宗練
達政務不屑為小廉曲謹薦用耿九疇軒輓年富王竑
李秉程信姚夔崔恭白圭顏彪馮宗諸文武才臣皆得

其用 商輅淳安人宣德乙卯解元正統乙丑會試廷

試皆第一景泰三年入閣天順元年除名成化二年復
入閣首疏八事勤政納諫儲將材飭邊備革冗員設社
倉崇先聖之號以配天開入德之基以造士嘗訟言景
泰有社稷功當復帝號汪直開西廠羅織數起大獄輅
因條直十罪又云直不去天下必危上立命去西廠
獻徵錄曰弘治改元命徐溥為禮部尚書文淵閣大學
士三典禮闡所得多天下名士溥未去位時已多躋顯

位餘姚謝遷與溥同陞內閣時以為榮 又以劉健為

禮部尚書文淵閣大學士凡朝廷大制作皆出其手與

李東陽謝遷同心輔政上方倚任入告之謀多所嘉納

終弘治十八年海內晏然稱治 明實錄費宏恭慎謙

抑明習國家故事能持重得大體凡三入內閣以功名

始終云 明名臣言行錄嘉靖中徐階繼嚴嵩為首相

書三語於直廬曰以威福還主上以政務還諸司以用

舍刑賞還公論盡反嵩政務收入心用物望嚴杜筐篚

天下翕然想望風采 李春芳傳春芳與徐階同心輔
政力振頽靡受顧命事穆宗皇帝于諒闇誅左道錄言
官蠲逋負中外欣欣以為太平復見 皇明盛事述曰
內閣李賢楊廷和父封少保劉珝嚴訥黃淮父封太子
太保李春芳父封太子少傅張四維父封少師獨張居
正父自少保少師以至加特進左柱國凡四膺誥命而
嚴訥李春芳張四維張居正皆具慶嚴李皆得歸政終
養

大學士三

增一人領五官

贈官并兼職

今言曰今閣臣一人領四官非禮也景泰時陳

循一人領五官矣

馬愉神道碑曰愉卒特循師保例

贈翰林學士資善大夫禮部尚書自前文武大臣贈官

者率加其正職愉始并

四入內閣

三總三邊

皇明盛事

兼銜加之蓋出特恩也

述曰嘉靖中張孚敬夏言俱四入內閣

楊文襄一清

初以副都總制三邊再以右都總制平安化王難三以

致仕少傅大

名動天下

稱社稷臣

名臣記曰解縉

學士起提督

天下明名臣言行錄曰王家屏操

考滿勿改外任

履端嚴臨事有執可稱社稷臣矣

朕自訪得一人

名臣記成祖敕吏部曰大學士胡廣等侍朕日久繼今考滿勿改外任

岳正傳曰英宗復辟召見文華殿既出
上曰今內閣朕自訪得一人乃岳正也

入奉絲綸出

從羈勒 吳以行權順以濟險

名臣論曰胡廣金幼孜
入奉絲綸出從羈勒

又曰李賢遇曹石吳以行權商輅處永
壽昭德兩宮間順以濟險可謂難矣

玉質金相通

達國體 揮斤游刃遇事立斷

名臣論曰西楊士奇王
質金相通達國體東楊

榮揮斤游刃
遇事立斷

繩愆糾繆 剛方正直

明紀洪熙元年
賜大學士楊士

奇楊榮金幼孜銀圖書各一其名曰繩愆糾繆諭之曰
卿等皆國舊臣練達老成今朕嗣位之初凡政事有闕
失悉用此印密疏以聞其毋憚於再三言之也
明宣宗賜楊榮銀章曰剛方正直
謚曰文清

可謂明潔

名臣記曰大學士薛瑄卒劉定之請從祀
孔廟言公直躬慕古談道淑徒進無附麗

退不慕戀勤學好問可謂文矣歸潔其身可謂清矣
大學士劉忠基誌曰野亭年方六十非懸車之辰志不
得行故決于去其于進
退之義可謂極明潔矣

肩輿登萬歲山 賞節游無

逸殿

名臣記曰黃淮為大學士請老歸賜遊西苑與公
侯伯師傳尚書十一人肩輿登萬歲山 皇明盛

典述曰嘉靖十五年端陽節上幸西苑命大學士李時
等候于崇智殿遣中書賜艾虎花綵百索牙扇等物既
而上御龍舟命時等各乘舟給酒饌命樾夫漿時等舟
近龍舟而行向蕉園迤邐至澄碧亭復宴無逸殿時等
各稱謝上壽

際昌辰 領班籤

楊廷和行狀廷和少
時嘗夢天門開見綽

盡歡而罷

揆題曰際昌辰在童州時勲業已定矣 費宏行狀宏
會試下第世父瑄夢宏入國子監領班籤乃彭時故物

也宏果狀

給輿皂 受美珠

黃佐大學士梁儲傳曰
諸屢疏乞骸上留之至

元入閣

再乃可其奏月給米八石歲撥輿皂八名遣官護送乘舟還鄉蓋異數也後降敕褒之曰張九齡之忠蓋而不竟其用崔與之之風槩而不久于朝以卿視之可謂並美維風編曰楊文襄一清為相時人有餽美珠一斗者公直受之嗣諸邊將謁請留侍左右詢邊事公隨出所受珠分勞之投之地頃刻立盡蓋以天下財為天下用即比于介不取可也

介慎廉靜

風流儒雅

雙槐歲抄曰弘治乙卯春丘濬

薨于位槩其生平不可及者有三自少至老手不釋卷其好學一也文滿天下絕不為中官作其介慎二也歷官四十載俸祿所入惟得指揮張維一園其廉靜三也叢說云李東陽當國時每日朝罷則門生羣聚其家談文講義絕口不及勢利其文章亦足領袖一時風流儒雅前代宰相中亦罕見其比也

片言遇

主舊學受知

明名臣言行錄曰張璁桂萼以片言遇主翰林諸臣皆鄙賤之大學士馬自

強基誌曰公負公輔望久以舊學受眷知上所注意甚厚士咸訢之謂關陝地靈二百年始發于公

大學士四

增敕明宣德三年敕少傅兵部尚書華蓋殿大學士楊士奇等曰卿等祇事祖宗多歷年所嘉謨讜議積勩勤誠朕嗣統以來尤深贊輔夙夜在念圖善始終蓋以卿春秋高尚典繁劇優老待賢禮非攸當况師保之重寅亮為職不煩庶政乃副倚毘可輟所務朝夕在朕左右相與討論至理共寧邦家職名俸祿悉如舊卿其專精

神審思慮益致嘉猷用稱朕眷注老成至意欽哉嘉
靖元年敕諭特進光祿大夫左柱國少師兼太子太師
吏部尚書華蓋殿大學士劉健曰卿資稟醇正器識恢
宏粵自早年究心理學上探河洛之傳登名賢科蜚聲
藝苑勞勤懋著聞望彌隆遂以碩德長才受知于我孝
宗皇帝簡自聖心擢居政府朝夕獻替不諛不隨培植
人才愛惜善類宣達民隱慎守彝章延訪于便殿賜問
于平章危言讜論裨益弘多是以致弘治十有八年之

間政事清明實惟卿與二三大臣佐理之功至于顧命之際推誠付托至切至專卿感激知遇益切勞瘁故當武宗皇帝改元之初隨事納忠曲為匡救其毅然不可回之氣往往形於辭色釐革宿弊斥逐羣小直道難容告老而歸高風大節播在天下中遭權奸橫加讒抑旋復昭雪人皆欽仰之不置乃今年近九旬體履康泰全名盛福求之當代實鮮其倫維昔宋之名賢如司馬光文彥博輩皆卿鄉哲揆其始終進退之大義抑亦不多

讓焉朕嗣承大統圖新治理顧茲尊賢優老之典誠不
可緩唯卿累朝舊德實軫朕懷矧夫公論明揚至再至
三亦可見卿之賢於人遠矣茲特遣行人齎敕至家存
問仍賜羊酒命有司月餽官廩八石歲給輿隸十名用
表異數卿其體朕至意頤養天和茂膺壽祉用表儀于
天下非特卿一鄉一邑之光而已 萬厯九年以少師
太子太師吏部尚書建極殿大學士徐階年八十遣行
人賜敕諭存問曰朕聞古者公孤在朝則坐而問道更

老在學則憲而乞言惟尊賢尚齒之儀實褒德勸功之
典瞻言耆碩著有勲庸世咸仰為達尊朕宣斬于殊數
卿才優王佐學擅儒宗早馳譽于清華歷試功于盤錯
簡知皇祖晉陟台司履忠順以事一人持廉節而先百
辟當儉壬之既黜更治化以維新懲貪污而仕路肅清
獎忠直而真材彙進申明典制多安邊定國之籌默運
樞機有尊主庇民之略定邦本于危疑之際宣上德于
彌留之中翼我先皇嗣基圖而撫方夏保予冲子升儲

貳以奉宗祧方倚重于黃扉遽乞閒于綠野後先多績
朝廷資其典型終始完名寰宇想其風采自天純佑俾
爾壽康屆茲八旬歛時五福匪直先民之楷式實惟盛
世之禎祥朕祇遵先猷追維舊德粵稽功載申錫寵章
茲特遣行人涂時相齎敕存問仍賜銀五十兩大紅紵
絲蟒衣一襲綵幣四表裏以示朕眷於戲衛武雖在耄
勤箴儆不忘于國晉公已解機務安危猶係其身惟我
宗工不殊前哲其茂綏繁祉慎保修齡尚謀黃髮之詢

用慰蒼生之望欽哉

增記明沈一貫內閣藏書樓記曰我國家崇古右文繹
天闡聖自高皇帝龍驤宇內索韉未藏而購書之令四
出海內學士抱典冊而馳赴蓋視孔鮒之發憤于秦者
彬彬焉而高皇帝稽謀好學博收廣采故草創之初而
熙皞之業已建何啻陋漢祖馬上之習即歷朝明辟喆
后號能表章者何以當也成祖卜燕益隆鼎業而增購
遺書尤為繁滋朝宁既設乃建文淵閣于午門城之東

偏樓其中而藏之累朝承平潤色鴻著故迄今言藏書者必稱內閣天琛夜玉璀璨煜燿上與東壁西奎齊光接彩古所謂天祿石渠圖書之府承明金馬著作之庭麗正集賢修書之院雖今昔阻絕無所質問即其閱鉅不過若劉向諸臣之所校錄止矣以方今茲宣復能勝之哉顧禁庭嚴密百僚希覲獨二三元僚奉詔入閣參萬幾備顧問者僅乃鏘翔其間然閱上帝之冊府鈞天廣樂輶輳殷殷難言之矣臣惟國家總歷代之典章攬

萬方之圖籍鱗次川委隸首不能舉其數凡庶府之珍
儲百司之淵蓄豈不甚要而典之者獨委一主吏耳惟
內閣藏書若斯之祕環以清禁寄以重臣豈不以古今
聖賢英哲精神經制之所貽歷代聖帝明王治亂興亡
之所具經緯天地錯綜民物可以輔導聖明迪啓神智
而輔臣者又日侍幃幄朝夕納誨俾得優游縱觀庶可
對揚休命佐成熙朝之學而宣文明之德化哉

增疏明徐階謝入閣疏曰黃扉視草任重絲綸紫殿宣

麻輝騰台斗自顧一介賤庸之質誤蒙九重特達之知
竊揣分以凌兢式銘心而感戢恭惟皇上至仁大德上
協玄穹偉略英謀遠同皇祖定一代之制儀章煥著乎
堯文計萬世之安征討懋揚乎殷武機宜立斷詔令親
裁離照弘敷民隱物情之畢燭乾綱獨攬吏才戎政之
咸新夫建大有為之功宜簡不世出之佐如臣性資柔
闇學識迂疎誦載籍之陳言無裨實用守信果之小節
莫贊宏猷方虞黜罰之加顧拜延登之及入參閣務出

綰部章貳鈞未遂乎忱辭兼秩更承乎寵授文非陸贄
何以增黼黻之華望乏馬光奚足繫國家之重况越此
而周而召又進之為臯為夔仰企前修雖幸遭逢之適
類俯惟小器實慙經濟之無能此臣所以聞命而震驚
拜官而偃僂者也臣敢不激昂夙志捐委微軀祗竭寅
恭之衷擬酬高厚之造伏願因愚臣之不足任益舉羣
策而用厥中念人才之難求全姑取所長而矜其短內
安諸夏外服四夷聖壽萬年厯數邁邁軒虞之久皇圖一

統提封兼周漢之隆

增銘明商輅文淵閣大學士謚文憲彭時墓誌銘曰鳳
山龍岡儲精降神篤生才賢學貫天人名魁甲第望隆
縉紳官居密勿職典絲綸謨謀啓沃迪知忱恂歷事三
朝執心忠純功在國家澤被生民吁嗟文憲無愧師臣
許國少傅兼太子太師吏部尚書武英殿大學士謚
文端陳以勤墓誌銘曰有曜列星淪精少傅夢而公生
墜而公仆天啓我公篤我明祚衆圓獨方人趨我駐潛

龍在淵如翼斯附飛龍在天如霖斯雨矢其謀謨去其
媚妬羹和樂諧牖納巷遇示我師表式我王度朱紱方
來歸田早賦明哲煌煌靡有他故鴻飛冥冥戈人何慕
西水逍遙濠濮同趣帝念舊臣乃眷西顧養年上尊載
沾異數令名考終前昌後裕羔裘狐袖傾軫載路先幾
如公誰與並驚穹然者封鬱然者樹巢有鳳凰穴無狐
兔于斯萬年亦孔之固

增詩明李東陽賀彭閣老詩曰吏部銜清帶翰林路隨

仙步轉高深人間別有登龍地天下空勞仰止心瀛海
新波添夜雨玉堂喬木長春陰歸來更覺門如水不受
車塵半點侵半生名行重儒林吏隱官曹歲月深文靖
舊無旋馬地敏中原有耐官心川原暖入三春雨殿閣
涼分六月陰欲效禹偁書院壁向來官序敢相侵邊
貢送少傅揚一清節制三秦詩曰帝夢非熊舊起邦側
思賢佐隱京江三邊羽檄來金殿九色龍函到石淙范
老甲兵胸有萬李侯才氣世無雙臨戎制勝尋常事蚤

見邊城築受降 三十年來四入關土人迎拜想開顏
風雷晚送蛟龍雨 藜藿春藏虎豹山已遣北門歸鎖鑰
更從西海弄潺湲 寥寥蜀相千年後伊呂誰當伯仲間
唐順之壽張相公詩曰帷中運策九州清共說留侯
在漢京賜第近連平樂觀入朝新給羽林兵儒生東閣
承顏色酋長西番識姓名却望上台多氣象年年長傍
紫宸明

御定淵鑑類函卷六十五

欽定四庫全書薈要卷一萬二千五百十四

子部

御定淵鑑類函卷六十六

設官部六

太宰

太尉

大司馬

太宰一

原太宰於殷為六太於周為六卿亦曰冢宰 武王時

周公始居之掌建邦之治 秦漢魏並不置

平帝加王莽號曰宰

衡

晉初依周禮備置三公三公之職太師居首以景

帝名師故置太宰以代之而以安平獻王孚居焉增掾

屬十人蓋為太師之互名非周冢宰之任也

安帝以太宰琅琊王

德文不宜嬰拂事務以汙論道之重可袞冕之服綵盤綬羽葆鼓吹盤音戾盤綠也以綠為質盤草名也出琅邪平昌縣似艾可染綬因以為綬名

宋大明中用江夏王義恭為之冠

綬服秩悉與太傅同齊以為贈梁初有之陳又

以為贈有事則權兼之後魏初無至孝莊時以太尉

上黨王天穆為之增置佐吏北齊無聞後周文帝

又依周禮建六官遂置天官大冢宰卿一人掌邦治以

建邦之六典佐皇帝治邦國自隋而無增宋宗寧時

蔡京得政乃言僕臣之賤非宰相所宜稱於是改左僕射為太宰右僕射為少宰靖康末詔宰臣依舊為左右僕射 遼金元明俱無是官

太宰二

原尚書曰冢宰掌邦治統百官均四海 增又曰百官總已以聽冢宰伊尹乃明言烈祖之成德以訓于王

原周官曰太宰之職掌建邦之六典以佐王治邦國一曰治典以經邦國以治官府以紀萬民二曰教典以安

邦國以教官府以擾萬民三曰禮典以和邦國以統百
官以諧萬民四曰政典以平邦國以正百官以均萬民
五曰刑典以詰邦國以刑百官以糾萬民六曰事典以
富邦國以任百官以生萬民 增又曰太宰以九兩繫
邦國之民兩耦合之言繫者以維持其情性使不離散
也 家語曰官屬不治分職不明法政不一百事不紀
曰亂亂則飭冢宰飭謂整攝也 原王隱晉書曰武帝時太
傅領司徒何曾屢上言遜位詔以司徒所掌煩務不可

以久勞者父其進位太宰朝會乘輿劔履上殿如漢蕭
何魏鍾繇故事 增又曰何曾為太宰年者禮優每召
見敕以常所飲食服物自隨令二子侍從 又曰太宰
秉與王導同受顧命輔成帝時帝幼冲詔秉依安平獻
王孚故事設牀帳於殿上帝親迎拜 原晉公卿禮秩
曰安平王孚朗陵公何曾汝南王亮皆為太宰 齊職
儀曰太宰品第一金章紫綬佩山玄玉堯命羲和使主
其陰陽之職羲伯司天官也后稷伏事虞夏敬事民時

尊稷為天官夏衰稷後不密失官由是廢官殷以其官
為冢宰周公在豐為太宰召公又居之秦漢魏無此職
晉武帝以從祖安平王孚為太宰始置其官安平亮省
咸寧四年又置或謂本太師之職避景帝諱改為太宰
太宰周之卿位晉武依周置職以尊安平非避諱也後
元興中恭帝為太宰桓玄都督中外博士徐豁議太宰
非武官不應敬都督從豁議增仲長統昌言曰冢宰
堯官也

太宰三

原正百工

計羣吏

尚書蔡仲之命惟周公位冢宰正百工孔傳謂武王崩時也周禮

曰太宰三歲則大計羣吏之治而誅賞之

統理百官

均平四海

尚書冢宰統理

百官均平四海孔傳云天官統理萬物總御衆官合天下職之

六典佐王

八柄詔

王

詳太宰二周禮太宰以八柄詔王馭羣臣一曰爵以馭其貴二曰祿以馭其富三曰予以馭其幸四曰

置以馭其行五曰生以馭其福六曰奪以馭其貧七曰廢以馭其罪八曰誅以馭其過

太宰四

原太宰古官

晉百官表注云太宰古官金章紫綬五時朝服進賢三梁冠佩山玄玉官品第一

冢宰成道

家語云古之御天下者以六官總治焉冢宰之官以成道司徒之官以成德宗伯之

官以成仁太尉之官以成聖司寇之官以成義司空之官以成禮注曰太宰治官所以成道

總百

官

尚書伊訓曰百官總已以聽冢宰孔傳云伊尹以三公攝冢宰也

替王治

周禮太宰職云

王視治朝則贊聽治鄭注治朝在路門外羣臣治事之朝王視之則助王平斷

正百官

禮記曰爾

臣守和宰正百官鄭注爾近也謂調君事者冢宰也主治百事也

掌邦治

周禮天官職惟王建

國辨方正位體國經野設官分職以為民極乃立天官冢宰使率其屬而掌邦治鄭注治謂六官之職

主國政

尚書冢宰掌邦治孔傳云天官卿稱太宰主政治也

制國用

禮王制曰冢宰制國

用必於歲杪五穀皆入然後制國用

布治於邦國

周禮太宰職云太宰掌以正月之吉始和

布治于邦國都鄙乃縣治象之法于象魏使萬民觀治象挾日而敘之

施典于邦國

又云

太宰乃施典於邦國而建其牧立其監設其參傳其伍陳其殷置其輔鄭注乃者更申敕之以侯伯有功德者加命作州長謂之牧監一國參謂卿三人伍謂大夫五人也殷謂衆士輔府史庶人在官者也

施法

于官府

又云太宰乃施法于官府而建其正立其貳設其考陳其殷置其輔鄭注正謂冢宰司徒宗伯

司馬司寇司空也貳謂小宰小司徒小宗伯小司馬小司寇小司空也考成也

施則于都鄙

又太宰乃施則于都鄙而建其長立其兩設其伍陳其殷置其輔鄭注長謂公卿大夫王子弟食采邑者兩謂兩卿不言三卿者不足於諸侯

六職辨邦治

又小宰職云一曰治職以平邦國二曰教職以

安邦國三曰禮職以和邦國四曰政職以服邦國五曰刑職以詰邦國六曰事職以富邦國

六屬

舉邦治

又云小宰以官府之六屬舉邦治一日天官二曰地官三曰春官四曰夏官五曰秋官六曰冬

官

六聯合邦治

又云小宰以官府之六聯合邦治一曰祭祀之聯事二曰賓客之聯事三

曰喪荒之聯事四曰軍旅之聯事五

八成經邦治

又云

曰田役之聯事六曰斂弛之聯事

小宰以官府之八成經邦治一日聽政役以比居二曰

聽師田以簡稽三曰聽閭里以版圖四曰聽稱責以傳

別五曰聽祿位以禮命六曰聽取予以書契

八法治

七曰聽賣買以質劑八曰聽出入以要會

官府

又云太宰以八法治官府一日官屬以舉邦治二曰官職以辨邦治三曰官聯以會官治四曰官常

以聽官治五曰官成以經邦治六曰官法以正

八則

邦治七曰官刑以糾邦治八曰官計以弊邦治

治都鄙

又云太宰以八則治都鄙一日祭祀以馭其神二曰法則以馭其官三曰廢置以馭其吏四曰

祿位以馭其士五曰賦貢以馭其用六曰禮俗以馭其民七曰刑賞以馭其威八曰田役以馭其衆六

計弊羣吏

又小宰以聽官府之六計弊羣吏之治一曰廉善二曰廉能三曰廉敬四曰廉正五曰廉

法六曰廉辨

六敘正羣吏

又曰小宰以官府之六敘正羣吏一曰以敘正其位二曰以敘

進其治三曰以敘作其事四曰以敘制其食五曰以敘受其會六曰以敘聽其情

九兩繫邦

國之民

又曰太宰以九兩繫邦國之民一曰牧以地得民二曰長以貴得民三曰師以賢得民四曰儒

以道得民五曰宗以族得民六曰主以利得民七曰吏以治得民八曰友以任得民九曰數以富得民

九貢致邦國之用

又云太宰以九貢致邦國之用一曰祀貢二曰嬪貢三曰器貢四曰幣貢

五曰材貢六曰貨貢七曰服貢八曰旂貢九曰物貢

八統馭萬民

又云太宰以八統詔王馭

萬民一曰親親二曰敬故三曰進賢四曰使
能五曰保庸六曰尊貴七曰達吏八曰禮賓

九職任

萬民

又云太宰以九職任萬民一曰三農生九穀二曰

園圃

毓草木

三曰虞衡

作山澤

之材

四曰

藪牧

養

蕃鳥獸

五曰百工

飭化

八材

六曰商賈

阜通貨

賄七曰

嬪婦

化治絲枲

八曰臣妾

聚斂

疏材

九曰閭民

無常職

轉移

執事

九賦斂財賄

又云太宰職以九賦斂財賄一曰

邦中之賦

二曰四郊之賦

三曰邦

甸之賦

四曰家削之賦

五曰邦縣之賦

六曰邦都之

賦

七曰關市之賦

八曰山澤之賦

九曰筭餘之賦

賦

九式均財用

又云太宰以九式均財用一曰祭祀之式

二曰賓客之式

三曰喪荒之式

四曰羞服

之式

五曰工事之式

六曰幣帛之式

七曰好用之式

八曰匪頒之式

九曰好

用之式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

式

播時百穀

西陽王以宗室加禮

晉起

居注

咸康元

年以太宰西陽王

年

義宗室長厚特加禮敬依安
平王故事設牀帳於後也

何太傅以耆父進位

詳太

宰
二

太宰五

原碑晉孫綽太宰郗鑒碑文曰公蓋黃帝之苗裔氏族
所由皆紀於祖御史大夫之碑矣靈和誕授載有公侯
至德碩量天實挺之琅邪王應天啓之運闡中興之道
思誕英賢以匡王業乃假兗州刺史金章仍割元鉞載
飾于時羯寇凶熾羣逆熾起公奮其忠勇精貫白日信

順為甲冑大節為城池故能推却凶寇全身濟功惟公德器純固體識深弘敷尚衡門則服膺曾閔毗亮皇極則憲章元凱篤誠簡於帝心明允著於蒞政信鍾山之圭璧歲寒之靈木者也摘藻風雲策名帝錄肇階方尺遂隆台岳王室未休吾何以豫興言再慨思康天步將俾皇化歸之大素彼蒼者天曾不遐祚哲人其萎民斯攸慕嗟爾後昆式瞻宏度齊王儉太宰褚彥回碑文曰夫太上立德其次立功此之謂不朽所以子產云亡

宣尼泣其遺愛隨武既歿趙文懷其餘風乃祖太傅德
合當時行庇州壤深識臧否不以毀譽形言亮采王室
每懷冲虛之道可謂婉而成章志而晦者矣公稟川岳
之靈暉含圭璋而挺曜和順內凝英華外發神茂初學
業隆弱冠是以仁經義緯敷睦於閨庭金聲玉振寥亮
於區宇孝敬淳深率由斯至盡歡朝夕人無間言逍遙
乎文雅之圃翱翔乎禮義之圃風儀與秋月齊明音徽
與春雲等潤既而齊德隆興順皇高禪深達先天之運

匡贊奉時之業亦猶稷契之臣虞夏荀裴之奉魏晉今
之尚書古之冢宰雖秩輕于冢司而任隆于百辟暫遂
冲旨改授朝端邇無異言遠無異望執五禮以正民簡
八刑而罕用故能騁蹟康衢延慈哲后仰南風之高詠
餐東序之祕寶雅議於聽政之晨披文於宴私之夕參
以酒德間以琴心暖有餘暉遙然流想君垂冬日之溫
臣盡秋霜之戒肅肅焉穆穆焉於是見君親之同致在
三之如一銘曰永言必孝因心則友仁洽兼濟愛深善

誘觀海齊深登岳均厚五臣茲六八元斯九率禮蹈謙
諒實身幹迹屈朱軒志隆衡館眇眇玄宗萋萋辭翰我
既水流文亦霧散

原誅晉潘岳太宰魯武公誅曰昂昂公侯實天誕育八
元斯九五臣茲六揜討逆節折衝江湖走欽擒儉梟誕
弊吳公于出征爰整其旅壘未越郊麾不及舉秦涼獲
又西戎即敘他人之賢譬彼丘陵邈矣公侯如日之升
泰山其頽寢疾不興遐邇曷仰社稷焉憑生榮則易終

哀實難靡不春華鮮克歲寒嗚呼公隕率土含酸趙喪
望諸列國同傷秦亡蹇叔春者不相桃李不言下自成
行德之休明沒能彌彰

原表後魏溫子昇上黨王穆讓太宰表曰臣聞策蹇長
途終慙一日之致懸縷層臺詎任千鈞之重固知才弱
不可自強力微難以企及智小謀大恐貽折足之憂才
輕任重懼有絕臚之悔既慮鑠金因陳匪石

太尉一

原太尉秦官

漢因之

應劭漢官儀謂太尉周官非也鄭注月令亦曰秦官尚書中侯

云爵為太尉東晉據非秦官以此追難玄馬劉昭曰緯侯衆書貴尚詭出沒隱顯動故誕怪太尉官實司天虞舜作宰璿衡賦政當是據位以書前職非虞之實號也太尉所職即舜所掌遂以同掌追稱太尉乃中侯之誤假蓋非官之為謬康成淵博自注中侯裁及注禮而忘舜位豈其實哉此是不發識於中侯而正之於月令也廣徵之謂金印紫綬掌武事漢文三年省景帝三年復未探頌意

置其尊與丞相等

丞相衛綰病免上議置丞相太尉籍福說田蚡曰上以將軍為丞相必讓

竇嬰嬰為相將軍必為太尉太尉相尊等耳又有讓賢名蚡從之皆如其謀

五年又省元狩

四年更名大司馬

大司馬說在本篇

後漢建武二十七年復

舊名為太尉公每帝初即位多與太傅同錄尚書事府

門無闕

論者云王莽以大司馬篡盜神器故貶其闕

掌四方兵事功課歲盡

則奏其殿最而行賞罰凡郊祀之事掌亞獻大喪則告

謚南郊凡國有大造大疑則與司徒司空通而論之國

有過事與二公通諫諍之靈帝末以劉虞為大司馬而

太尉如故自此則大司馬與太尉始並置矣

劉寵字祖榮遷太尉

以日食免

魏亦有之

王祥字休徵為太尉司馬文王進爵為王時祥與司徒何曾司空荀凱並

詣王親曰相王尊重今可相率而拜祥曰相國勢位誠尊貴然要是魏之宰相吾等魏之三公公王相去一階

而已班列大同安有天子三公可輕拜人者耶損魏朝之美虧晉王之德君子愛人以禮吾不為也及入荀凱遂拜祥獨長揖文王謂祥曰今日然後知君子見顧之重

晉太尉進賢三梁冠介

幘絳朝服金章紫綬佩山玄玉若郊廟冕服七旒玄衣纁裳七章 宋制武冠山玄玉 齊制九旒 後魏初

與大將軍不並置正光之後亦皆置焉歷代唯後周無其餘皆有悉為三公 增宋循歷代之制以太尉與司徒司空並為三公政和時罷之復周制以太師太傅太保為三公少師少傅少保為三孤以太尉本秦主兵官

定為武階之首正一品在節度使之上建炎三年劉光世始以檢校太保除自後或以檢校三少或以節度使不帶檢校皆徑進太尉則進使相是為除授之序依兩府恩數 遼南面置三師府又有三公府太尉司徒司空此皆南面朝官之長公師府俱有掌印官一人 金三公太尉司徒司空各一員皆正一品論道經邦燮理陰陽 元太宗即位始建三公其拜罷歲月皆不可考至世祖之世其職常缺而僅置太保一員至成宗武宗

而後三公並建迨無虛位矣又有所謂大司徒大司空太尉之屬或置或不置其置者或開府或不開府而東宮常置三師三少蓋亦不恒有也 馬祖常上言曰司

徒司空皆古三公之流入臣名爵無如此極比者聖上踐阼之初沙汰冗濫尤慎此官近歲屢有間雜人等如沈宗攝汪元昌之流亦受司徒司空之職竊恐天下後世傳為口實非便也 元仁宗延祐五年監察御史上言比年名爵濫冒已極太尉司徒國公接迹於朝昔奉

詔裁罷中外莫不忻悅近聞禮部奉旨鑄太尉司空司徒等印共二十有九此輩無功於國家誠恐載在史冊貽笑將來請自今以後凡閥閱貴重勲業昭著者存留一二餘並革去制曰可 明太祖下江左因勝國之舊為五等爵以贈勲臣其後有王公侯伯之典而罷子男至公孤不以為贈亦并無太尉司徒等官 又按敘齊

職儀云太尉古官也

魚豢曰太尉掌武事古者兵獄官皆以尉為稱尉爵也言兵獄羅尉

也言兵獄羅尉奸非

堯時舜為太尉舜時契為司徒禹為司空

古亦為三公之職其後常以太尉與大司馬迭置不兩

立

有大司馬則不置太尉歷代皆然

周以太師太傅太保為三公以

大司馬大司徒大司空與大司寇大冢宰大宗伯為六卿至西漢末師傅保之官崇其號為上公以大司馬大司徒大司空為三公後漢初省大司馬立太尉與司徒司空為三公

皆除大字

歷魏晉宋齊之後常然至後周又依

周禮以師傅保為三公五代史志云隋又以太尉司徒

司馬為三公歷代皆開府置官屬唐廢府寮

太尉二

原月令曰孟夏之月命太尉贊俊傑遂賢良舉長大

春秋合誠圖曰堯坐舟中與太尉舜臨觀鳳凰授圖

史記曰孝惠帝六年置太尉官 漢書百官表曰太尉

掌武事周勃灌嬰周亞夫等為之 又曰太尉古官也

自上安下曰尉故武官以為號 漢書曰呂后問高帝

曰陛下百歲之後蕭相國既死令誰代之上曰曹參可

其次曰王陵可然少戇陳平可以助之陳平智有餘然

難獨任周勃厚重少文然安劉氏者必勃也可令為太尉又曰王龔為太尉在位恭慎自非公事不通州郡書記其所辟命皆海內長者東觀漢記曰張輔字益侯為太尉父尚在輔每遷轉乃一到洛父來適會正臘公卿罷朝俱賀歲奉酒上輔父壽極歡莫不嘉其榮

又曰鄧彪字智伯為太尉在位清白公廉率下謝承

後漢書曰京兆朱寵字仲威為太尉家貧食脫粟飯卧布被朝廷賜錦被梁肉皆不敢當又曰鄭弘字巨君

為臨江太守行春有兩白鹿隨車夾轂而行弘怪問主

簿黃國鹿為吉凶國拜賀曰聞三公車轡

一作圖

畫作鹿

明府當為宰相後弘果為太尉又曰初第五倫為會

稽太守署鄭弘為督郵舉孝廉及弘為太尉而倫為司

空班次在下每正朔朝見弘曲躬自卑上知其故遂置

雲母屏風分隔其間由此以為故事增又曰劉寬為

太尉靈帝頗好學藝每引見寬令之講經寬嘗於坐被

酒睡伏帝問太尉醉耶寬仰對曰臣不敢醉但任重責

大憂心如醉 又曰張禹為太尉時連歲災荒府藏空
虛禹上疏求入三歲租稅以助都國廩假許之 又曰

楊震代劉愷為太尉帝舅大鴻臚耿寶薦中常侍李閔
兄於震震不從寶乃自往候震曰李常侍國家所重欲
令公辟其兄寶代傳上意耳震曰如朝廷欲令三府辟
公固宜有尚書敕遂拒不許寶大恨而去 原袁山松
漢書曰太尉劉虞讓位於羊續靈帝時為三公者皆輸
禮錢千萬續舉緼袍以示之曰臣之所有唯此而已遂

不代虞 華嶠後漢書曰安帝即位太尉徐防以災異
寇賊策免就國凡三公以災免始自防也 范曄後漢

書曰曹嵩靈帝時貨賂中官及輸西園錢一億萬故位
至太尉 增續漢書百官志曰太尉一人掌方兵事物
功課歲盡則奏其殿最而行賞罰世祖即位為大司馬
原應劭漢官儀曰章帝詔曰司空年融典職六年勤
勞不怠其以融為太尉錄尚書事 又曰冲帝丁酉策
書太尉趙峻二世掌典機衡有匪石不貳之心大司農

李固公族之苗忠直不回有史魚之風今以峻為太傅
固為太尉與大將軍冀參錄尚書事

增又曰河間相

張衡說明帝以為司徒司空府已營欲更治太尉府
公南陽趙憙也西曹掾安眾鄭君素愛名節以為朝廷
新造北宮整飭宮寺今府本館陶公主第舍員職鮮少
自足相授憙表陳之即見聽許其冬帝幸辟雍歷二府
光觀莊麗而太尉府獨卑陋顯宗東顧歎息曰屠牛縱
酒勿令乞兒為宰 原幽明錄曰常山張顥為梁相天

新雨後有鳥如鵲飛翔稍下墜地民爭取即化為一圓
石顥推破之得金印文曰忠孝侯印顥表上聞藏之祕
府顥漢靈帝時至太尉齊職儀曰魏文帝黃初二年
日食有司奏免太尉賈詡詔曰天地之災害罪在朕躬
勿貶三公遂為永制增魏志曰文帝踐祚鍾繇還太
尉時華歆王朗並先世名臣帝罷朝謂左右曰此三公
者乃一代之偉人也後日殆難繼矣吳志曰孫皓詔
曰范曄勲德俱茂朕所敬憑宜登上公以副衆望可為

太尉 晉中興書曰郗鑒為太尉雖在公位冲心愈約
勞謙日是誦翫墳索自少及長身無擇行家本書生後
因喪亂解巾從戎非其本願常懷慨然咸康五年秋寢
疾上疏遜位優詔不許 又曰桓溫授侍中太尉固讓
不受旬月之中使者八至輶軒相望於道 謝靈運晉

書曰秦有太尉掌兵漢仍修之或置或省是故司馬之
官主九伐之職 五代史後唐書莊宗御文明殿冊齊
王張全義為守太尉如常儀禮畢全義於尚書都省領

事宰臣羣官在列諫議實專不降階為御史所劾專援引舊典以對時宰臣不記故事無能詰寢而不行

太尉三

原上司

亞獻

東觀漢記曰楊震字伯起為太尉性忠誠每陳諫諍中常侍樊豐等譖之收印

綬歸本郡震到洛陽都亭謂門生曰吾蒙恩居上司奸臣狡猾而不能誅寵嬖傾亂而不能禁何面目以見日

月遂飲鴆而死

下詳太尉一

統兵

掌武

並詳太尉一

化石

斷金

上詳太尉二

應劭漢官儀曰三公國之楨幹朝廷取

正以成斷金大司馬李固忠正不撓其以固為太尉

范曄後漢書曰楊震字

兩鹿

三鱣

上詳太尉二 范曄後漢書曰楊震字伯起常客於湖外不答州郡禮命數十

年衆人謂之晚暮而震勵志愈篤後有鸛雀銜三鯉魚
飛集講堂前都講取魚進曰凡鯉者卿大夫之服象也
數三者法三台也先生
自此升矣後位至三尉

畫鹿輶

飛鵲印

並詳太尉二

保皇家 安劉氏

擊虞隴西王泰為太尉母曰惟君行為時表親則宗臣論道經邦保人皇

家是用進登上台

主九伐 齊七政

上詳太尉二汝南先賢傳曰

下詳太尉二

陳蕃拜太尉讓曰齊七政

訓五兵臣不如議郎王暢

歎黃憲

舉蔡謨

謝承後漢書曰

陳蕃拜太尉臨朝嘆曰黃憲若在不敗先佩印綬

晉書却鑒字道微進祿太尉疾篤舉蔡謨自代

置

屏風 賜錦被

並詳太尉二

增六年

四世

上年融

震秉賜彪四

世為太尉

太尉四

原冊太子授璽綬

漢百官表云太尉掌邦冊皇太子捧上其璽綬

辭年老賜

几杖

晉書曰劉寔拜太尉自陳年老固辭上不許賜几杖宅一區不朝

幽贊神明

古今

通典云興治隆化幽贊神明奉度順道使災不生者謂太尉也

綱維王室

魏志明帝寢疾劉放

孫資召太尉司馬宣王以綱維王室

臨朝審諤

謝承集云永平之初太尉鄭弘臨朝審諤日盱

忘食

立朝正色

羸馬立朝正色不可干也

九州用

綏羣公咸治

見崔駰太尉箴

上清三元下寧九域

隴西王泰為太尉冊

曰惟君貴為世家親則宗臣其上清三元下寧九域永欽洪範以康濟宇宙敬哉

華歆清素

寡欲

曹植輔臣論曰清素寡欲明敏特達志存太虛安
心玄妙處平則以和養德遭變則以斷蹈義華太

尉歆之
謂也

却鑒冲心愈約

詳太尉二

楊秉不惑酒色

張璠漢記

曰楊秉為太尉嘗曰我有三不
惑酒色財也時天下稱為名公

劉寔不治產業

王隱晉書

劉寔拜太尉不治產業居無第
宅祿賜皆給付親舊家無餘財

固讓不就

謝承後漢書曰鄭弘

為太尉固讓不就西曹掾
曰天子已白陵廟宜當拜

稱疾乞退

魏志華歆拜太尉歆稱病乞退

讓位於管寧帝不許臨當大會乃遣散騎常侍繆襲奉
詔喻旨曰君其力疾就會以惠予一人將立席几延命
百官總已以須君到朕然後御坐又
詔襲須歆必起乃還歆不得已乃起

病免賜俸終身

東觀漢記曰鄧彪為太尉在位清白為百寮式視事以
疾乞骸骨賜策罷贈錢三十萬在所以二千石俸終其

身

告老以侯就第

干寶晉紀曰劉寔為太尉告老詔以侯就第居三司之上國之大政

將詔於宅室也

以日蝕免

東觀漢記曰太尉張輔鄭弘徐防趙憲並以日蝕免

以流

星免

後漢太尉皇甫嵩以流星策免案續漢書曰以日有重珥免

漢寵元勲任先

周勃

晉尊碩德選在王祥

張禹在位三世忠孝彌

篤年融典職六年勤勞不息

太尉五

原詩晉傅咸贈太尉司馬虞顯機詩曰帝崇元淑妙選

其屬命子是佐增袞之綈

原箴後漢崔駰太尉箴曰天官冢宰庶寮之率師錫有
帝命虞作尉爰叶台極爰平國域制軍詰禁王旅惟式
九州是綏羣公咸治干戈載戢宿躔其紀上之云據下
之云戴苟非其人戮我帝載昔周人思文公而召南詠
甘棠昆吾崇夏伊摯嘉商季葉頗僻禮用不匡無曰我
強莫余敢喪無曰我大輕戰好殺紂師百萬卒以不艾
宰臣司馬敗告在際

原贊後漢蔡邕太尉陳公贊曰公在百里有西產之惠

賜命方伯分陝餘慶餘慶伊何兆民其觀少者是懷老
者是安綱紀文王文王用平東督京輦京輦用清乃登
三事三事攸寧契稷之佐具于堯庭今則由古於穆誕
成

原碑後漢蔡邕楊太尉碑銘曰於戲公惟岳靈天挺德
翼赤精神氤氲仁哲生應台任作邦楨帝欽亮訪典刑
道不忒迄有成光遐邇穆其清 又楊太尉碑銘曰天
鑒有漢挺生光輔世作三事勲在王府乃及伊公克光

前矩悉心畢力脩其相武化洽羣生澤霑區宇 又太尉李成碑銘曰天垂三台地應五岳降生我公應鼎之足奕世載德名昭圖錄既文且武桓桓紹續外則折衝內則大麓 又太尉橋玄碑曰岐嶷而起等總角而逸羣至矣乎初紳高明卓異為衆傑之雄其性莊疾華尚樸百折而不撓拔賢如逝流討惡如霆擊至德在已揚之由人苟不矯迹夫何舍焉 後漢桓麟太尉劉寬碑曰公誕受純和之氣體有樂道寧儉之性疾雕飾尚樸

素輕榮利重謙讓力與同好鑄墳典於茅廬是以根經
緯綜精微誨童冠而不倦遷南陽太守推貞諒以示下
顯衆善以厲否惻隱之誠通於神人故去鞭朴如獲其
情弗用刑如弭其姦 晉孫綽太尉庾亮碑曰次黃中
以啓曹鍾遐武於軒轅爰及晉代世號多士公吸峻極
之秀氣誕命世之深量微言散于秋毫玄風暢乎德音
闕門者貴其凝峙入室者議其通玄標形者得之廊廟
悟旨者期諸濠川提挈南翔息肩靈越會大君有命納

妃德門自求多福辭不獲已鳳羽籠于華樊麟趾繫于
椒房王敦阻兵翫權志窺神器乃轉公左衛將軍要雄
戟以扶華轂勒武旅以翼豹尾死難之心義形于色親
受中詔奔告方伯於是羣后昇盟同稟高謀嚴栖懷德
以響赴義拯神器於獸吻扶帝座於已傾王室之不壞
翳伯舅是賴公以為戰伐之謀仁所恥聞況立德弘道
年幾不惑闔門沉舟將遠迹山海詔累遣侍中黃門逼
以嚴制知不獲免乃固求外任江外無烽燧之警宇內

歸穆然之美銘曰金德時昏乾綱絕紀素靈南映中宗
蔚起誰其贊之數鍾伊公達人忘懷形隨運通再潛再
躍婉若游龍 梁沈約齊太尉王儉碑銘曰瞻旦爽而
齊軫軼夔龍而長驚百辟翹首譬列星之仰望舒千里
結轍若派流之宗江漢及宋道盛運鼎命將改而瞻鳥
所集未知適歸公高卧開宇獨咤虛室眷龍顏以托夢
詠日角以興言佇傳巖之下懷滋水之上慨深板蕩念
在濡足霸君亦慮屬一匡情降三顧卜匪熊羆唯人是

與公深覩興廢妙識人英察榮光於河渚攀龍翼於雲
漢傾方寸以奉國忘七尺以事君殊文共會異軫同歸
堆案盈几充庭滿室隨方引應斷決如流辭不輟響紙
無停筆精明外朗神彩旁映矚矚接其光景風雲溢予
帷席噀噀總至大薄相填齊鑣共軫並不雜銘曰張
公赫矣世載經綸四彼三傑六茲五臣德參世命道亞
如仁屣步金門濯纓蘭疇激水上征培風鬱起 陳沈
炯太尉始興昭烈王碑曰古者帝王之興莫不崇建親

屏泰伯讓而退封武哀終而受號則有之矣至若勒功
鼎鼐銘德太常清廟尊乎國家揚名顯乎子弟在昭烈
王見之焉若夫嫪水遙源石砮遐集五絲作而詠南風
八世興而和鳴鳳藉帝王之基居正卿之族有由來矣
孔融汝穎之論許其少多傳暢諸公之書頗有賢哲自
漢至魏涉江而東綿邈蟬聯言之者舊皇上革命應運
大啓邦國麟趾盤石之宗固立金縢玉幹之戚畢封文
叔掩被之悲無泯仲謀援鞍之慟愈切乃封始興郡王

永定元年下詔曰天倫所感義本因心名器追宗則惟
恒典亡兄梁故南兖州刺史長城縣公德範沈遂風度
寬厚性與天通深乎靡測昔彈冠入仕譽重城華宣力
艱難遂顧洪業雖時非季漢勢異桓王海內挹其風流
生民懷其大德者矣朕受天明命爰膺寶歷言尋永往
興慕增懷可奉贈太尉公昔之密戚近親宗英令德若
河間之不羣沛獻之受象東平之樂善陳思之藻麗實
聞之也未有身死忠貞名存前代若王之義烈者銘曰

稽古帝舜重瞳有裔曰陳祚土纂虞之系騰波汝潁承
流媯汭四岳有後六奇獻計惟實惟忠卿長羣公浮舟
震澤佳氣蔥蔥岐周七十商毫百里婉婉中陽帝出攸
止太常景王季孫讓于天下不踐聞之惇史入孝出忠
清輝何已苞指周藏風流懿德言為世範行成士則名
山可鐫豐碑易勒惜哉往矣殞身凶慝鼎命既遷山河
是始光啓代郡德表永祀周以別功魯侯戾止禮茂廟
堂恩加松杞 增張說贈太尉裴行儉神道碑曰星辰

玄象所以殷時布氣然而行不言之道者天也文武用
才所以勤官定國然而收無為之理者帝也當高宗之
休運任名世之良臣清九流而闢四海代天工而張帝
德歷選前哲豈多乎哉公諱行儉字守約河東聞喜人
其先出于嬴姓伯益之後也秦則裴侯始封漢則侍中
授職魏晉之代鬱為盛門八裴方於八王聲振海內三
子尊為三祖望高士族自冀州刺史徽至公十二代中
軍將軍雙虎至公六葉代無遺德不損厥問者已大王

父伯鳳周驃騎大將軍光汾二州刺史琅邪郡開國公
大父定高大將軍馮翊郡守襲琅邪郡公諸侯受封山
河傳國天子共理循良克家考仁基隋左光祿大夫以
陰圖世充仗義拔舊主遭時不利玉折名揚聖唐龍興
旌淑勵節贈原州都督謚命曰忠盡春秋之褒也公清
明本乎世德正性出乎胎教氣潤河靈貌雄玉立仁孝
之道天生而知將相之器與年俱長以高蔭為弘文生
絕事篤學累年不舉房僕射異而問焉對曰隋室喪亂

家亡典籍館有良書探討未徧故少留耳梁公驚曰驥
子志氣凌雲一日千里其早為通人之目也如是明經
補左屯衛倉曹詔舉轉雍州司士選金部戶部二員外
歷都官郎中長安令明慶中與長孫太尉褚河南論及
中宮廢立國家憂患有公伯寮諧行於季氏出為西州
長史又改金山副都護又拜安西大都護西域從政七
八年間窮荒舉落重譯向化我之獨賢邊之多幸乾封
歲徵為同文少卿尋除司列少常伯官復舊號為吏部

侍郎加銀青光祿大夫自居銓管大設綱綜辨識差才
審官序爵法著新格言成故事上元中長星出天禿髮
入塞詔公為洮州道左軍總管又為秦州鎮撫右軍總
管並受元帥周王節度雖祭公有諫耀武之事不行而
方叔陳師來威之道備矣儀鳳二年十姓生可汗匭延
都支為李遮匭潛搆大戎叡擾西域朝廷憑怒將行天
討公進議曰敬元敗績於茅戎審禮免胄而入狄豈可
絕域更勤王師今波斯王亡侍子在此若命使冊立則

路由二蕃便宜取之是成擒也高宗善其計詔公以名
冊送波斯兼安撫大使公往蒞遺愛洽於人心是行也
百城故老望塵而雅拜四鎮酋渠連營而認酒一言召
募萬騎雲集公乃解嚴以反諜託獵以訓旅誤之多方
間其無備累糧十日執都支於帳前破竹一呼鉗遮匄
於麾下華戎相慶立碑碎葉蓋美克雋不殺而是講要
人以德而去害審廓氛祲於地表燁皇靈於天外充國
有屯田之頌竇憲有燕山之銘訂茲遠略彼何微也遷

禮部尚書加上柱國又特降恩命兼右衛大將軍吏典
秩宗神必據我文昌有將天道存焉調露中單于可汗
伏念外叛大鴻臚蕭嗣業喪律詔公為定襄道大總管
軍至朔州斥堠相接匈奴故態狙刼糧以餒師神將出
奇張虛勢以陷敵偽為轉運伏其壯士示羸師以緩行
隱精騎以躡迹寇果大下援兵奔散驕虜益驚自為得
色驅此車牛憇彼井泉於是箱中兵起千弩齊發要路
騎飛一息而至羣胡顛沛殺傷滿野從此饋運路無驚

者觀夫大漠無倪穹廬靡所追之迹遯捨之憑陵費日
老師兵家所病公潛使緩頰均其利心深圖既入狼意
亦改及委罪衙官陰送降款公密上其事人莫之知及
如所期舉國歸附煙塵大起師徒惶惑公徐使令軍曰
此是伏念執溫傳來降非他寇也俄而銜璧轅門釋縛
納款帝嘉厥勲命尚書崔知悌乘駟勞軍備禮獻凱冊
勲之日程務挺張虔勗者行軍之偏將也訴言子勞逼
逐方降大軍又屬秉鈞忌才上下其手公曰雖不逮摩

師之讓功猶耻與二王之競力今而殺降後無來者乃封公聞喜縣開國公而伏念溫傳皆戮都市是年也伏念弟元珍擁其餘種復叛則天稱制追正宿枉贈伏念太僕卿程張諸家別故夷俗君子以為神理之不可誣也永淳元年詔公為金牙道大總管未行遘疾四月二十八日薨於京師延壽里春秋六十有四銘曰天生亞聖祚此王國文綜九流武參七德柔遠服叛窮西盡北赫我皇靈去其蝥賊仁則不遠智何不周如山之峻如

川之流術與神合藝將道遊書來懸帳賦出登樓司馬
軍陣官人綱紀帝加常伯國于聞喜室有令妻家成克
子社金傳世桓圭守祀神道上台永介邦祉

大司馬一

原大司馬古官也掌武事

司主也
馬武也

少皞有鳴鳩氏為

司馬

鳴音
雌

堯時棄為后稷兼掌司馬

周時司馬為

夏官掌邦政

項羽以曹無咎周殷並為大司馬

楚大
司馬

景舍帥軍伐蔡蔡侯奉社稷而歸之楚發其賞舍辭曰
發誠布令而敵退是王威也相攻而敵退是將威也戰

而敬退是衆威也臣不宜以衆威受賞又司馬穰苴本姓田齊威王以古司馬法而附穰苴因號為司馬穰苴

漢初不置武帝元狩四年初罷太尉置大司馬以

冠將軍之號

冠者加於其上為一官也霍光以大司馬大將軍輔政武帝又令大將軍驃騎將軍

皆有大司馬之號

宣帝地節三年置大司馬不冠將軍亦無

印綬官屬

霍禹為大司馬冠小冠無印綬

成帝綏和元年初賜大司

馬金印紫綬置官屬祿比丞相去將軍哀帝建平二年

復去大司馬印綬官屬冠軍如故元壽二年復賜大司

馬印綬置官屬去將軍位在司徒上

漢律丞相大司馬大將軍月俸錢六

萬始置大司馬議者以漢有軍候千人司馬官故加大

王莽居攝以漢乃無少司徒而定司馬司空之號並加

大後漢光武建武二十七年省大司馬以太尉代之

故常與大尉迭置不並列

吳漢為大司馬封舞陽侯

至靈帝末始置

馬魏文帝黃初二年復置大司馬以曹仁居之而太

尉如故則太尉大司馬大將軍各自為官位在三司上

吳有左右大司馬

晉定令亦在三司上

晉諸公贊曰義陽王為太尉大司馬時父

子為太宰父子居上公中代以來未之有也又汝南王亮為大司馬正旦大會乘車上殿

武冠絳

朝服金章紫綬佩山玄玉與大將軍同 宋時唯元嘉
中用彭城王義康為之冠玉與晉同 齊以為贈 梁
時置官屬 陳以為贈 後魏北齊與大將軍為二大
位居三師之下三公之上 後周以為夏官謂之大司
馬卿掌邦政以建邦國之九法佐皇帝平邦 自隋而無
國大祭祀掌其宿衛廟社則奉羊牲

大司馬二

原韋昭辨釋名曰大司馬司馬武也大總武事也大司
馬掌軍古者兵車一車四馬故以馬名官訓馬為武者

取其速行也 白虎通曰司馬主兵不言兵而言馬者

陽物乾之所為行兵用馬不以傷害為文故言馬也

尚書周官曰司馬掌邦政統六師平邦國

孔傳云夏官卿也主戎馬

之事掌征伐統正六軍治邦國四方之亂

又曰大司馬之職掌以九伐之

法

詳書鈔

毛詩曰祈父予王之爪牙

毛萇云祈父司馬職掌封畿之兵甲

鄭注祈父時人以其職號呼之故曰祈父我乃王爪牙之士當為王閑守為衛也尚書作圻父酒誥圻父薄違

增家語曰賢能而失官爵功勞而失賞士卒疾怨兵

弱不用曰不平不平則飭司馬飭謂整攝也 原尚書

大傳曰蠻夷猾夏寇賊姦究則責之司馬 增韓詩外

傳曰陰陽不和四時不節星辰失度災變非常則責之

司馬 原管子曰涼風至白露下天子命左右司馬全

組甲勵士衆 春秋運斗樞曰黃帝坐元漚與大司馬

容光臨觀鳳銜圖置黃帝前 增尚書中候曰稷為大

司馬舜為太尉 原齊職官儀曰大司馬品第一秩二

千石其在少昊則睢鳩氏之任顓頊以司馬主火堯命

羲叔為司馬夏官也虞夏二代以司馬夏官棄居其職

增博物志曰太公望為灌壇令文王夢見婦人當道
哭問其故曰吾泰山之神女也嫁為西海婦灌壇令當
吾道不得作風雨夢覺召太公是日果疾風暴雨文王
乃拜太公為大司馬後成王以畢公高為司馬齊職
官儀曰楚漢之際曹無咎周殷始居其職漢書曰董
賢為大司馬是時賢年二十二雖為三公常給事中領
尚書百官因賢奏事單于來朝宴見羣臣在前單于怪
賢年少以問譯上令報曰大司馬年少以大賢居位單

于乃起拜賀帝得賢臣 又曰孝元王皇后成帝母也
家凡十侯五大司馬外戚莫盛焉 原漢書百官表曰
成帝綏和元年敕賜大司馬金印紫綬有長史秩千石
增漢官序曰三司之職司馬主兵漢承秦曰太尉武
帝改曰大司馬無印綬官兼加而已世祖改曰太尉
東觀漢記曰更始欲以近親巡行河北大司徒賜言上
第一可用更始以上為大司馬遣之河北 原東觀漢
記識曰孫咸征狄今以平狄將軍孫咸行大司馬事咸

以武名官以應圖讖

增後漢書曰世祖北擊虜賊吳

漢將突騎五千為軍前鋒數先登陷陣及河北平漢興

諸將奉圖書上尊號世祖即位拜漢為大司馬又曰

上疾瘳召見陰興欲以代吳漢為大司馬興叩頭流涕

固讓曰臣不敢惜身誠恐虧損聖德不可苟冒至誠發

中感動左右帝遂聽之

班彪奏事曰元狩六年罷太

尉置司馬議以北軍中有千人司馬故加大司馬以

別大小司馬之號也原王隱晉書曰石苞太始之初

拜大司馬舊參軍於都督無敬故孫楚抗衡於苞苞以
楚傲更相表陳參軍有敬自楚始也 增又曰齊王冏
之盛也有一婦人詣大司馬府求寄產更詰之婦人曰
我截臍便去耳識者聞而惡之 又曰陳騫咸寧初轉
大司馬騫因入朝言於帝曰胡列臺弘皆勇而無謀強
於自用非綏邊之才將為國耻願陛下詳之時弘為揚
州刺史不承順騫命帝以為不協相搆於是徵弘既至
復以為涼州刺史騫竊嘆息以為必敗二人後果失羗

戎之和皆被寇喪沒征討連歲僅能得定帝乃悔之

原晉中興書曰王猛少貧鬻菴為事嘗至洛陽貸菴有
人於市貴買其菴云家近在此可隨我取直隨去忽至
深山此人曰且住當先啓道君須臾猛進見一公踞胡
牀頭白將從十許人有一人引猛云大司馬公可進猛
因拜老公公曰王公何緣拜即十倍售菴直發人送猛
出山既出顧視乃嵩高山也晉公卿禮秩曰大司馬
古兵官也魏氏大司馬大將軍各自為官在三司上晉

以石苞為大司馬次三司下 增晉太始官名曰大司

馬石苞開爽通悟秉意不羣 原晉百官表注曰司馬

武官也周禮云掌邦政者所以平諸侯正天下也 增

後魏書曰安定王休領大司馬高祖親行諸軍遇休以

盜三人徇於六軍斬之有詔赦之休執曰陛下將遠清

衡霍故親御六軍跋涉野次軍行伊始已有奸竊如其

不斬何以息盜詔曰大司馬執憲誠宜如是但緣朕王

者之體亦時有非常之澤雖違軍法可特原之休乃奉

詔高祖謂司徒誕曰大司馬嚴而秉法君不可不慎於是六軍肅然 後周書曰夏官謂之大司馬也

大司馬三

原睢鳩

司武

傳曰少昊氏以鳥名官睢鳩氏司馬也注云王睢也鷺而有別故命為司馬以

主法制

正百官

均萬民

周禮大司馬掌邦政以均

宋司馬名

平尚書事

冠將軍號

漢官解詁云司馬中外以親寵平尚書事宰戶樞機

勉用八政播時百穀者也

下詳前一

以整武事

入毗皇家

物理論云高祖

定天下立大司馬以整武事

曹植輔臣論云文武並

亮權智時發奢不過制儉不損禮入毗皇家帝之股肱

出作侯伯實撫東夏者曹大司馬也按大司馬曹仁也

白魚入舟 鳳凰銜圖

侯謹歌詩云周公為司馬白

位極人臣 威震海內

魚入王舟

下詳大司馬二

晉書曰陳騫為太尉加黃鉞為大司馬位極人臣 漢書曰霍光為大司馬大將軍政事一出於光威震海內

訖十三年百姓充實四海賓服也

增陰興讓官 王莽貶闕

上詳大司馬二

齊職官儀曰大司馬府舊為

單于拜賀 賁育弗

闕至王莽篡位故貶去闕馬

加上詳大司馬二

傅子曰曹大司馬

左右 大小

加之勇雖賁育弗以加也曹即曹仁也

吳志曰赤烏九年秋九月以車騎朱然為左大司馬衛將軍全琮為右大司馬 下詳班彪奏事

大司馬四

增穰苴

桓溫

並為司馬

原司馬成聖

家語注云聖通也征伐所以通天下

成聖者聖功於是成也

司馬主天

韓詩外傳云三公司馬主天司空主土司徒主人

施邦國之政

周禮大司馬云乃以九畿之籍施邦國之政職方千里曰國畿其外方五百里曰侯

畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰藩畿

教治兵之法

環濟要略云夏官司馬教四時軍旅治兵之法

中春教振旅

周禮

大司馬職云中春教振旅司馬以旗致民平列陳如戰之陳鄭注以旗者立其民于旗下也兵者守國之備凡師出曰治兵入曰振旅皆習戰也四時各教民以其一焉春習振旅兵入收衆專於農平猶正也

中

冬教大閱

又云中冬教大閱鄭注春辨鼓鐸夏辨號名秋辨旗物至冬大閱簡軍實

掌九

法平邦國

周禮大司馬職云掌建邦國之九法以佐王平邦國制畿封國以正邦國設儀辨位以等

邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均守平則以安邦國比小事大以和邦國鄭注云興猶舉也作起也起其勸善樂業之心使不惰廢也簡謂比數之稽猶計也

以九伐正邦國

又曰大司馬掌以九伐之法正邦國馮弱犯寡則膏之賊

賢害民則伐之暴內陵外則壇之野荒民散則削之負固不服則侵之賊殺其親則正之放弑其君則殘之犯令陵政則杜之外內

違命則征 害民則伐

環濟要略云夏

亂鳥獸行則滅之外內

官司馬職若有違命則

安世懼不敢當

征之暴賢害民則伐之

漢書張安世傳云霍光薨

魏相上封事言張安世上欲用之安世懼不敢當上曰君而不可尚誰可者數日拜大司馬車騎將軍安世尊為諸侯身衣弋絺夫人自紡績也

景舍辭不受賞

詳前

吳漢在朝

唯公續漢書吳漢傳曰上即位漢為大司馬海內無事乃得安然其性忠厚篤於事上華嶠漢書云漢在朝廷張奮名為清白華嶠漢書云張奮為大司馬在位名為清白穰苴

文能附衆

史記晏子薦穰苴曰文能附衆武能敵國乃為大司馬立大功

子孟可屬

社稷

漢書霍光傳云上年老寵姬鉤弋趙婕妤有男上心欲以為嗣命大臣輔之察羣臣唯光任大重可

屬社稷上乃使黃門畫者畫周公輔成王朝諸侯以賜光後上病篤以光為大司馬大將軍輔少主

石

苞加鼓吹之樂

晉書石苞為大司馬進封樂陵郡公加侍中羽葆鼓吹之樂

陳騫

賜袞冕之服

晉書陳騫為大司馬致仕賜騫袞冕之服

周任元勲寵崇呂

尚漢推大節選在霍光當歸馬之朝雖云無事然

睢鳩之職用備不虞

大司馬五

原諫後漢杜篤大司馬吳漢諫曰篤以為堯隆稷卨舜嘉皋陶伊尹佐殷呂尚翼周若此五臣功無與疇今漢吳公追而六之乃作諫曰朝失鯁臣國喪爪牙天子愍悼中宮咨嗟四方殘暴公不茲征征茲海內公其攸乎

泯泯羣黎賴公以寧勲業既崇持盈守虛功成即退挹
而損諸死而不朽名勒丹書功著金石與日月俱魏
曹植大司馬曹休誄曰於穆公侯魏之宗室明德繼踵
奕世純粹闡弘汎愛仁以接物藝以為華體茲亮實年
沒弱冠志在英雄高揖名師發言有章東夏翕然稱曰
龍光貧而無怨恐以為難嗟我公侯屢空是安不眈世
祿親悅為歡好彼蓬樞甘此瓢簞味道忘憂踰憲超顏
矯矯公侯不撓其厄呵叱三軍躬奮雄戟足蹴白刃手

接飛鏑終弭淮南保我疆場 晉陸機吳大司馬陸抗
誄曰我公承軌高風肅邁明德繼體徽音奕世昭德昭
德伊何克俊克仁德周能事體合機神禮交徒候敬睦
白屋蹢躅曲躬吐食揮沐爰及鰥寡賑此惇獨孚厥惠
心脫驂分祿乃命我公誕作元輔位表百辟名茂羣后
因是荆人造我寧宇備物典策玉冠及斧龍旂飛藻靈
鼓樹羽質文殊塗百行異轍人玩其華鮮識其實於穆
我公因心則哲經綸至道終始自結德與行滿英與言

溢


原章梁簡文帝為南平王拜大司馬章曰臣度連宸夢
地實璿跗王業擁輿夙奉締構爰頒廬綰同贊密謀豫
均鄧禹俱奉明詔故搏飛九萬實假扶搖之力冲天百
尺無俟剗剗之勞

御定淵鑑類函卷六十六

謹案卷六十六第三十五頁後七行衛將軍全琮
為右大司馬刊本全訛金據三國志改

欽定四庫全書





總校官庶吉士臣張能照

校對官庶吉士臣陳墉

膳錄貢生臣于飛熊